

四庫全書

史部

欽定四庫全書

史部
陝西通志卷四十四

詳校官給事中臣李臺

檢討臣德生覆勘

總校官降調編修臣倉聖脉

校對官編修臣盧遂

謄錄監生臣姜今熙

欽定四庫全書

陝西通志卷四十四

物產二

草屬
獸屬

木屬
鱗屬

禽屬
介屬

著 著生滿百莖者其下必有神龜守之其上常有青

雲覆之

史記龜
笑傳

周文王陵在畢原上陵生著草衍易

者恒取諸此

咸陽
縣志

芝 有芝生甘泉殿九莖青色綠葉朱實夜有光乃作

芝房之歌

三輔黃圖

白芝生華山

名醫別錄

蟾井在白鹿觀中

在臨潼驪山

有一金色蝦蟇三足賀蘭先生見之曰此肉

芝也烹而食之白日飛昇

拾遺記

四皓避秦入藍田山

採芝而歌曰熒熒紫芝可以療飢

纂要

道經云斗山

在城

固縣

有五穴穴有肉芝即千歲蝦蟇得而食之可延壽

雍勝畧

寶鼎山

在褒城縣

產芝草

明一統志

明世宗詔采芝鄠縣

民聚芝百八十本為山以獻內有徑一尺八寸者數

本號曰仙應萬年芝山

湧幢小品

白芝一名玉芝

雍勝畧

四

皓如紫芝形似芝而味苦性質堅重食之耐飢

商州志

杜若

杜衡杜若出漢中大者大善

范子

若杜若

工林賦注

出

漢中

事文類聚

靡蕪

被以江離糅以靡蕪

上林賦

靡蕪一名江離芎藭

苗也生雍州川澤

名醫別錄

上林言江離靡蕪似非一物

葢嫩苗未結根時則為靡蕪既結根後乃為芎藭大

葉似芹者為江離細葉似蛇床者為靡蕪

本草綱目

出雍

州葉似蛇床而香

馬志

薰草 浮山有草焉名曰薰草麻葉而方莖赤花而黑

實臭如薜蘿佩之可以已癘

經西山

掩以綠蕙

上林賦

張

揖曰蕙薰草也

上林賦註

一名蕙草

名醫別錄

一名香草一名

燕草

本草綱目

鄜州出如茅而香

馬志

藹車

揭車衡蘭

上林賦

郭璞曰藹車一名芑輿香草也

上林賦註

留萸

雜以留萸

上林賦

張揖曰留萸新萸也善曰王逸

楚詞註曰留萸香草

上林賦註

按留

萸史記作流萸

蘭 蘭香草也

薛綜西京賦註

漢時池苑種蘭以降神

西京雜記 霍

定與友生遊曲江以千金募人竊貴侯亭榭蘭花插

帽兼自持往羅綺叢中賣之士女爭拋擲金錢

曲江春宴

錄

一莖數花出南山

咸寧縣志

絕類建本而精神丰采過

之

洋縣志

入夏始放一莖十數花清芬撲鼻

沔縣志

棣花

山出

商州志

蘭幾遍山谷俗以多殊不貴之

雒南縣志

一莖

一花幽秀芳香

商南縣志

不似建蘭而香無異城東有之

山陽

縣志

真珠蘭 一名魚子蘭花開成穗蓓蕾如珠其香甚濃

廣羣芳譜

南鄭有魚子蘭

南鄭縣志

芍藥

出三輔

范子

一名將離

董子

勝州榆林郡土貢芍藥

唐書地理志

白者名金芍藥赤者名木芍藥世謂花相

草本

綱目

今三原亦有之

馬志

根資藥物

咸寧縣志

赤白二種

咸寧縣志

金盞花

花之四季開者蘭桂之外有長春菊

學圃雜疏

花

大如指頭金黃色狀如盞子四時不絕

救荒本草

金錢一

名長春

延綏鎮志

翦春羅

二月生苗高尺餘夏開花六出周迴如翦成

可愛

本草綱目

一名翦紅羅入夏開深紅花如錢大

廣羣芳譜

翦紅羅山中多

山陽縣志

石竹

石竹二種單瓣者名石竹千瓣者名洛陽花

延綏

鎮志

石竹花山中多

山陽縣志

瞿麥即石竹子

府谷縣志

瞿粟花

出膚施縣

馬志

米囊即瞿粟花有千瓣五色其

粟可作腐又有一種小者名懶擡頭又名滿園春千

葉者佳

延綏鎮志

麗春即瞿粟

山陽縣志

俗名萬莖蓮又名米

囊葭州

志

虞美人 褒斜山谷中有虞美人草狀如雞冠大葉相

對歌唱虞美人曲則兩葉如人拊掌之狀頗中節

賈氏

談錄

萱花

萱名忘憂

說文

一名宜男花葉可食

咸寧縣志

萱花土

人取作菜名黃花

雒南縣志

鹿蔥即萱草山中多有之

山陽

縣志

蜀葵

戎葵今蜀葵

西京賦註

惟茲珍草懷芬吐榮挺河渭

之膏壤吸昴井之元精

陳虞繁
蜀葵賦

葉似葵葉而大有岐

花似木槿而大有千葉單葉之異

本草
綱目

黃紅白紫色

類不同莖葉亦異皆向日

咸陽
縣志

俗名一丈紅

扶風
志

一

名戎葵

延綏
鎮志

有十餘種色千葉者甚佳

山陽
縣志

俗呼為

大葉花

淳化
縣志

錦葵 叢低葉微厚花如小錢文彩可觀色深紅淺紅

淡紫皆單葉

廣羣
芳譜

種多嫩葉可茹

商州
志

菟葵 似葵而小葉狀如藜

嘉祐
本草

劉禹錫復遊玄都觀

惟菟葵燕麥動搖春風耳

纂要

山丹 百合紅者為山丹

食療本草

隴州產

寰宇記

葉似柳葉

四月開紅花六瓣不四垂結小子

本草綱目

色赤葉若胭

脂五月間山陬水湄最蕃艷

安塞縣志

卷丹 莖葉同山丹而稍長大花六瓣四垂

本草綱目

高如

萱花花大如椀瓣俱反卷一葉生一子名回頭見子

花

廣羣芳譜

鳳翔出

鳳翔縣志

金鳳花 即鳳仙人家多種之莖有紅白二色花或黃

或白或紅或紫或碧或雜色

本草綱目

指甲花即此

延安府志

俗名指甲花十餘色不同

山陽縣志

玉簪 六七月抽莖莖上有細葉中出花朵十數長二

三寸本小末大未開時正如白玉搔頭簪形

本草綱目武

帝寵李夫人取玉簪搔頭後宮人皆效之玉簪花之

名取此

廣羣芳譜

有紫白二種

山陽縣志

荷花

漢昭帝琳池中植分枝荷一莖四葉狀如駢蓋

日照則葉低蔭根若葵之衛足名曰低光荷實如玄

珠可以飾佩花葉雖萎芬馥之氣徹十餘里食之令

人口氣常香益人肌理宮人或剪以為衣

三輔黃圖

張揖

曰蓮根則藕

上林賦註

昭帝柳池有芙蓉素色大如斗花

葉甘可食

藝文初學記

明皇太液池有千葉白蓮秋盛開

帝與貴戚宴賞焉

開元天寶遺事

德宗貞元十八年西內神

龍寺前水渠生合歡蓮其花一莖兩房

文苑英華

京兆貢

藕粉

唐書地理志

雍州產藕粉

寰宇記

崔遠家墅在長安城

南就中襖池產巨藕相傳曰襖寶又曰玉臂龍

清異錄

華山頂有池池中生千葉蓮花長十丈藕如大船服

之羽化

物類相感志

蓮有紅白二種近有晉人於高橋種

數十畝花開香聞十里取房藕市城中

咸寧縣志

西番蓮

花淡雅似菊自春至秋相繼不絕春間將藤

壓地自生

廣羣芳譜府谷神木志

按延安府及皆載有是花

向日蓮

花色或黃或白葉浮水上翠厚而澤形如菱

花差大開則隨日所在日入輒斂而自藏於葉下

廣羣

芳譜長安有之

長安縣志

秋葵 與葵相似故名秋葵朝夕傾陽此葵是也

廣羣芳譜

葵 一種黃如盤曰向日葵又名固本花

淳化縣志

菊

生雍州川澤

名醫別錄

夏萬鈴出鄜州開以五月紫

色細鈴生於雙文大葉之上秋萬鈴出鄜州開以九月月中千葉淺紫其中細葉盡為五出鐸形而下雙文

大葉承之

范成大菊譜

終南五老洞碑記墨菊其色如墨

古用其汁以書字

澄懷錄

弘農諸山正秋草木哀謝盡

山上下水涯籬落皆黃菊大如錢叢生粲然

懸筍瑣探菊

有六月菊小葵菊九月菊

米脂縣志

千葉者有硃砂紅白

蠟瓣紫芙蓉黃金菊單葉者有紅白藍三種

府谷縣志

蓼花 予又集于蓼

以薺茶蓼

詩經周頌

蓼水草也

毛游傳

龍即水紅花又名蓼種多

山陽縣志

水仙 唐玄宗賜虢國夫人紅水仙十二盆

花史

華陰湯

夷服花八石得為水仙

三才圖會

夾竹桃

花五瓣長筒瓣微尖淡紅嬌艷類桃花葉狹

長類竹故名夾竹桃自春及秋逐旋繼開嫵媚堪賞

廣羣芳譜

長安有之

長安縣志

珍珠花

莫道長安貧似磬緣堦遶砌盡珍珠

張舜民珍珠花

詩

珍珠花一名米穀

延綏鎮志

紫金蟬

葉如菖蒲紫萼五出與蟬甚類

廣羣芳譜

長安有

之

長安縣志

後姚婆

一莖作蓓蕾開花五六瓣翠色俗云後姚婆

者舜母也亦曰虞美人

延綏鎮志

萬年竹

可供盆景清玩

咸寧縣志

秋海棠 一名八月春花 色粉紅甚嬌艷 葉綠如翠羽

此花有二種 葉下紅筋者為常品 綠筋者開花更有

雅趣

廣羣芳譜

長安有之

長安縣志

花汁傷人人指亦傷花

山陽

縣志

雞冠

種多處處有之

廣羣芳譜

有紅白二種

山陽縣志

酴醾

唐制召侍臣學士飲酴醾酒

景龍文館記

長安有之

長安縣志

酴醾叢生而繁

山陽縣志

薔薇

武帝與麗娟看花時 薔薇始開態若含笑 帝曰

此花絕勝佳人笑也麗娟遂取黃金百斤作買笑錢
奉帝薔薇名買笑自麗娟始

賈氏
說林

有紅白二種取露

甚佳

洋縣
志

十姊妹

花小而一蓓十花故名其色自一蓓中分紅

紫白淡四色有七朶一蓓名七姊妹

遵生
八牋

南鄭有之

南鄭

縣志

玫瑰

樂遊苑中有自生玫瑰樹

西京
雜記

玫瑰甚香乾可

作囊以沙糖同搗謂之玫瑰醬

延綏
鎮志

凌霄

苔之華

詩經小雅

即今之紫葳蔓生附于喬木之上

其花黃色亦名凌霄

朱子集傳

紫葳出三輔

太平御覽

自夏至

秋開花一枝十餘朵大如牽牛花而頭開五瓣赭黃

色有細點秋深更赤

本草綱目

刺藤

絕似玫瑰而無香

學圃餘疏

有紅黃二種

延綏鎮志

月季 叢生人家多栽插之莖葉俱有刺逐月一開四

時不絕

廣羣芳譜

一名月月紅

山陽縣志

棣棠

花若金黃春深與薔薇同開有單葉者名金盃

廣羣芳譜

長安有之

長安縣志

紫茉莉

花形似茉莉色紫香不及茉莉女人取花汁

勻面子肉雪白作粉冬擦面不皺人呼胭脂粉花

山陽縣志

南天燭

白花密實實若赤珠經霜始艷

咸寧縣志

茅 白茅包之

詩經召南

晝爾于茅

幽風

茅叢生荒野間野人

刈以覆屋

合璧事類

有劍脊者根炒麪可食

山陽縣志

蓬 彼茁者蓬

詩經召南

蓬草名也

毛傳

張仲蔚與魏景卿俱

隱不仕所居蓬蒿至于没人

三輔決錄

黃沙極目朔風獵

獵中有枯草團藥佶屈輾轉于馬蹄之間記之土人

曰轉蓬也

延綏鎮志

綿蓬其子可食凶年多產

葭州志

沙蓬

神木出

神木縣志

白蒿

于以采繁

詩經召南

采繁祁祁

幽風

繁皤蒿

毛傳

凡艾白

色為皤蒿今白蒿春始生及秋香美可食

陸疏

繁即白

蒿

山陽縣志

角蒿

菁菁者莪

詩經小雅

莪蒿也生田澤漸洳之處葉似

邪蒿而細科生三月中莖可生食又可蒸

陸疏

莪蒿一

名蘿蒿一名角蒿

陸疏廣要

山陽有之

山陽縣志

黃花蒿

一名臭蒿一名草蒿與青蒿相似但此蒿色

深帶淡黃氣辛臭不可食

廣羣芳譜

山陽多

山陽縣志

水蒿

言刈其萋

詩經周南

馬云萋蒿也郭云似艾陸璣疏

云白色長數寸高丈餘生水澤中正月根芽生旁莖

正白生食之香而脆美其葉又可蒸為茹

孔疏

萋即水

艾蒿

延長縣志

牡蒿

匪莪伊蔚

詩經小雅

蔚牡蒿也三月始生七月華華

似胡麻華而紫赤八月為角角似小豆角銳而長一

名馬薪蒿

陸疏

菰

蔣菰也

工林賦註

太液池邊皆是彫胡綠節之類菰之

有米者長安人謂為彫胡菰之有首者謂之綠節

京西

雜記

出西安陂池蔣草也生水中葉如蔗荻至秋則為

米長安人謂彫胡葭蘆之米

馬志

蒲

依于其蒲

詩經小雅

維筍及蒲

大雅

五帝廟臨渭其北穿

蒲池溝水

漢書郊祀志

蒲池為池而種蒲

師古注

符弘先居

武都家生蒲長五丈狀如竹咸異之謂之蒲家因以

氏焉

前秦記

香蒲即甘蒲可作薦者春初生取白為菹

亦堪蒸食山南人謂之香蒲以菖蒲為臭蒲也

唐本草

叢生水際似莞而扁有脊而柔八九月收葉以為席

亦可作扇

本草綱目

產渭川可作簾笠縵繩亦可飯牛

咸寧

縣志

蒲可為席居人不能止知為炊薪

咸陽縣志

蘆

彼茁者葭

詩經召南

蘆也

毛傳

亦名葦

朱子集傳

葭蘆之未

解籜者長安人謂之紫籜

西京雜記

長丈許中空皮薄色

白者葭也蘆也葦也

本草綱目

三川間多有

咸寧縣志

狀似竹

而葉抱莖生有節無枝種水澤傍秋採以織蓆

咸陽縣志

蘆俗呼羽子

山陽縣志

下地宜葦

中部縣志

荻

葦葭蒼蒼

詩經秦風

八月萑葦

幽風

葦為萑

毛傳

葦似萑而

細高數尺陸璣疏云葦水草也堅實牛食之令牛肥

彊又初生為莢長則為葦成則名為萑

孔疏

短小于葦

而中空皮厚色青蒼者莢也葦也荻也萑也其最短

小而中實者葦也葦也皆以初生已成得名其身皆

如竹其葉皆長如箬葉

本草綱目

三川間多有中蓆箔用

咸寧

縣志

荇

參差荇菜

詩經周南

荇接余也

毛傳

白莖葉紫赤色正圓

徑寸餘浮在水上根在水底與水深淺等大如釵股

上青下白

陸疏

春光淡沲秦東亭渚蒲芽白水荇青

杜工

部集

荇與蓴一類二種葉徑一二寸有一缺而形圓如

馬蹄者蓴也似蓴而稍尖長者荇也並夏月開花有

黃白二色

本草綱目

蘋

于以采蘋

詩經
召南

蘋大萍也

毛傳

蘋今水上浮萍是也

其大者謂之蘋

陸疏

葉浮水面根連水底莖細于萼若

葉大如指頭面青背紫有細紋四葉合成中折十字

形合如田字夏秋開小白花故稱白蘋其葉攢簇如

萍故爾雅謂大者如蘋也又項氏言白蘋生水中青

蘋生陸地按今之田字草有水陸二種陸生者多在

稻田沮洳之處葉與白蘋一樣但莖生地上高三四

寸不可食

本草
綱目

萍

萍氏掌國之水禁

周禮秋官

小者曰萍季春始生

詩經陸疏

水萍出三輔色青者善

范子

一種面背皆綠者一種面

青背紫赤若血者謂之紫萍

本草綱目

三月三日採陰乾

以沐浴生毛髮

咸陽縣志

藻

于以采藻

詩經召南

魚在在藻

小雅

藻水草也生水底有

二種其一種葉如雞蘇莖大如箸長四五尺其一種

莖大如釵股葉如蓬蒿謂之聚藻扶風人謂之藻聚

為發聲也

陸疏

漢武昆明池中有水網藻枝橫側水上

長八九尺有似網鳧鴨入此草中皆不能出因名

酉陽

雜組

管

白華管兮

詩經小雅

茅管白華一名野管

爾雅

管似茅而

滑澤無毛根下五寸中有白粉者柔靱宜為索漚乃

尤善

陸疏

郭璞曰管茅屬

西京賦註

一名巴芒俗訛作霸王

管

山陽縣志

漢池旁產管子草可製汗衫

郃陽縣志

蒯

蒯亦管之類

左傳杜註

聲類曰蒯草中為索

西京賦註

荒

說文曰荒東蠡

西京賦註

荒草名葉似蒲叢生

集韻

菖蒲

朝事之豆其實昌本

周禮天官

昌本菖蒲根切之四

寸為菹

周禮註

文王嗜菖蒲菹

呂氏春秋

漢武帝扶荔宮有

菖蒲百本

三輔黃圖

石菖蒲

生上洛池澤一寸九節者良

名醫別錄

菖蒲池有

菖蒲其葉細如劍脊其根每寸九節服之令人強健

延年

雍勝畧

洋沔二縣及金州出

明一統志

葉有劍脊瘦根

密節者石菖蒲也

廣羣芳譜

石菖蒲根一寸九節者山溪

中多

山陽縣志

虎鬚蒲

燈前置一盆可收燈烟

廣羣芳譜

可供盆玩

咸寧縣志

吉祥草

叢生不拘水石間皆可種

廣羣芳譜

運草

可供盆玩

咸寧縣志

四季槐

葉似槐而有花可供盆玩

臨潼縣志

十樣錦

即臨秋變雁來紅以雁來而色嬌紅老少年

至秋

深腳葉深紫而頂紅少年老頂黃而葉綠

延綏鎮志

莎草

南山有臺

詩經小雅

臺草有皮堅細滑緻可為簷笠

南山多有

陸疏

臺夫須即莎草也

朱子集傳

攢戾莎

上林賦

爾

雅曰臺夫須又曰眉

西京賦註

離騷云青莎雜樹古今詩

人多以比興

咸陽縣志

龍鬚草

生梁州山谷濕地以九節多珠者良

本草衍義作

穗如鬚

延綏鎮志

可作帚

府谷縣志

王芻

終朝采綠

詩經小雅

綠王芻也

鄭箋

爾雅曰綠王芻郭

璞曰今萊蓐也

西京賦註

草荔

小華之山其草有草荔狀如烏韭而生于石上

亦緣木而生食之已心痛

西山經

說文曰荔草似蒲

西京

賦註

垂盆草

叢生其葉輭而長

延綏鎮志

結縷

專結縷

上林賦

郭璞曰結縷蔓生如縷相結

上林賦註

石長生

生咸陽山谷近道亦有之是細草紫色葉如

龍鬚草黑如光漆不與餘草雜

名醫別錄

青蘋

蔣茅青蘋

上林賦

青蘋似莎而大雁所食

廣雅

黃蔕

草之中有黃蔕者可覆屋

維南縣志

席薊

其莖可作索土人編以為席復為櫬

米脂縣志

鎖把草 可備芻牧

延綏鎮志

沙竹 堅光性柔細無節且長屈之可以為捲

延綏鎮志 絞

之可以為索

葭州志

蒨蘆 稠疊似竹葉其莖如錐馬嗜之

延綏鎮志

繡墩草 長安有之

長安縣志

虎耳草 一名石荷葉生陰濕處人亦栽于石上莖葉

如荷蓋狀

本草綱目

出長安

長安縣志

羊蹄甲 言采其莖

詩經小雅

遂牛蒡揚州人謂之羊蹄似

蘆服而莖赤可瀹為茹滑而美也

陸疏

羊蹄根以形名

葉長尺餘似牛舌入夏起臺開花結子

本草綱目

萇俗名

羊蹄菜

延長縣志

黃白草 生山中可飼牛

臨潼縣志

馬蘭 生澤旁如澤蘭而氣臭

本草拾遺

臨潼出

臨潼縣志

羊躑躅 一名開羊花所在有之苗似鹿蔥葉似紅花

本草

蒲城有之

蒲城縣志

佛指甲 多附石向陽而生似馬齒莧而細長呼為佛

指甲

本草綱目

臨潼有之

臨潼縣志

仙人掌

漢武帝扶荔宮植千歲子百餘本

三輔黃圖

發苞

時外類芋魁內攢瓣如翠毬各擎子如掌然俗呼為

千歲子惟宜沙地

黃佐仙人掌賦序

吳堡有之

吳堡縣志

甜根苗

根甜可食

葭州志

馬蓮

可用作紙

府谷縣志

苔 慈恩寺唐三藏院後簷階有苔狀如苔苴初生磚

上色如藍綠輕軟可愛

酉陽雜俎

瓦松 崇文館瓦松者產于屋雷之上以其形似松生

必依瓦故曰瓦松

唐崔融瓦松賦

馬乳 類黃刺梅結子如馬乳

延綏鎮志

黃花有刺

葭州志

沙蒿子 研末入麪黏而不斷

葭州志

盆料 春生夏熟有微米年荒可以療飢

府谷縣志

水黑豆 生水中有子扁如黑豆

延綏鎮志

條 符禺之山其草多條其狀如葵而赤華黃實如嬰

兒舌食之使人不惑

西山經按華州志亦載之

條 石脆之山其草多條其狀如韭而白華黑實食之

已疥

西山經

黃蘗 竹山有草名曰黃蘗其狀如檣其葉如麻白華

而赤實其狀如赭浴之已疥又可以已肘

西山經
按竹山今

在商
州

葍蓉 嶓冢之山有草焉其葉如蕙其本如桔梗黑華

而不實名曰葍蓉食之使人無子

西山經

今名花骨空

凌霄花之類

楊慎
補註

按爾雅曰榮而不實謂之葍

吳任
臣註

按嶠冢

山在漢中

相思草 秦趙間有相思草狀如石竹而節節相續一

名斷腸草又名愁婦草亦名霜草人呼寮莎

述異記

離合草 終南山多離合草葉似江蘿而紅綠相雜莖

皆赤色氣如羅勃

西京雜記

醒醉草 興慶池南有草數叢葉紫而心殷有醉人過

於草傍不覺失其酒態後有醉者摘草嗅之其酒立

醒

開元天寶遺事

布帛

帛似帛布似布華山有之

爾雅

草葉有似布帛者

因以名云生華山中

郭註

按雍勝畧云細辛即古所稱草似帛似布今人所稱西

岳布是也未知其何據而馬志據爾雅另列今從之

自搖草

興安州心山有異草吹之不偃無風乃自搖

劉閻記

按赤箭獨活鬼白鬼督郵無風獨搖草獨

搖芝俱無風自搖有獨搖之稱未知劉記所指何種

抑別一類歟

無心草

生鳳翔商州各縣皆出之三月開花五月結

實

國經本草

迷人草

三教山有草履之迷人

興安州志

積雪草

咸陽有之

酉陽雜俎

一名地錢一名連錢圖經云

生咸陽下濕地葉如錢莖細而勁蔓延

馬志

木屬

松 松柏斯兌

詩經大雅

華山之首曰錢來之山其上多松

西山經

鄭遨聞華山有五粒松因徙居華陰求之

五代史一

行傳

唐時華州貢五粒松一名乳毛松十二月採出蒲

谷今不貢

寰宇記

凡松葉皆雙股故世以為松釵獨枯

松每穗三鬚而高麗所產每穗乃五鬚焉今所謂華

山松是也

癸辛雜識

不空三藏塔多老松歲旱則官伐其

枝為龍骨以祈雨蓋三藏役龍意其樹必有靈也

寺塔

記

五粒松生華山西南峰上樹如偃蓋旁有青蘿長

百尺

華嶽集

萬年松出華陰山

圖書編

鄜州開元寺有白

松竒古張著詩葉墜銀釵細花飛香粉乾寺門煙雨

裏渾作白龍看

明一統志

吳瑞曰松子有華陰松形小殼

薄有香

廣羣芳譜

松產南山不一種

咸寧縣志

南山有白骨松

鄠縣志

公有赤松白松黃松

商州志

有羅漢松皮光白最

佳

山陽縣志

栢

漢文帝霸陵不起山陵稠種栢

三輔黃圖

大興善寺東

廊素和尚院庭有栢四株元和中鄉相多遊此院栢

至夏月有汗汙人衣如脂不可浣相國鄭相惡其汗

謂素曰弟子為伐此樹各植一松也及暮素戲祝曰

我種汝三十餘年汝以汗為人所惡來歲若復有汗

我必薪之自是無汗

宋敏求長安志

栢箭韓子秦昭王令工

施鉤梯而上華山以松栢之心為博箭

潛確類書

栢葉仙

人田鸞家居長安入華山求問真侶見黃冠指栢樹

示之曰此即長生藥也

原化記

華山生文栢一名黃腸

地理志

予官陝西登高望栢千萬株皆一一西指蓋此

木受金之正氣所制也

本草衍義

平泉草木記有藍田龍

栢

光學菴筆記

耀州雲陽出栢板

寰宇記

漢故道縣龍女山

在鳳翔縣

多紫栢

天中記

紫栢生華山東北峰上葉際碧露

以五月五日用油囊接之食者可作地仙

華嶽集

千枝

栢一本千枝生商州南山

明一統志

盤屋昇天臺上有再

生栢世傳老子說經於此見二栢枯以鍼灸之復生

今尚鬱茂

賈志

產龍首原者佳叢而緻者曰千枝栢葉

長而銳者曰茨栢填園圃又有四季栢四時皆花枝

葉蒼秀如葢蒔牛頭寺

咸寧縣志

乾陵栢文多菩薩雲氣

人物鳥獸一株值萬錢白樂天有栢牀詩

乾州志

檜上林苑枯十株

西京雜記

栢栢葉松身

西京賦註

同州郃陽

縣劉靖家墳中白楊生檜

清異錄

檜葉尖硬亦謂之枯

廣羣

芳譜

樅 上林苑樅七株

西京雜記

樅松葉栢身也

西京賦註

杉 太液池西有一池名孤樹池池中有洲洲上點樹

一株大十餘圍望之童童如蓋故取為名

西京雜記 杉一

名點

廣羣芳譜

梓 維桑與梓

詩經小雅

商子曰南山之陽有木名橋北山

之陰有木名梓

尚書大傳

秦文公二十七年伐南山大梓

史記秦本紀

梓如栗而小

西京賦註

鼠梓

北山有桺

詩經小雅

桺鼠梓

毛傳

樹葉木理如楸亦名

苦楸

朱子集傳

豫章

木蘭豫章

工林賦

漢武帝立豫章宮于昆明池中

作豫章木殿

述異記

楠 終南何有有條有梅

詩經秦風

桺葉大可三四葉一藂

木理細緻于豫章子赤者材堅子白者材脆荊州人

曰梅終南多桺終南與上庸新城通故亦有桺也

陸疏

石脆之山其木多桺

西山經

爾雅曰梅桺郭璞曰桺木

似水楊

西京
賦註

上林苑柟四株

西京
雜記

石楠

上發馬嵬行至扶風道傍有石楠樹團團愛玩

之因呼為端正樹

太真
外傳

生華陰山谷

名醫
別錄

葉似茵草

凌冬不凋關中者葉細為好

唐本
草

關隴間出者葉青

黃色皆有紫點雨多則併生長及二三寸

圖經
本草

終南

斜谷有石處甚饒

韓保昇本
草重註

梧桐生矣于彼朝陽

詩經
大雅

上林苑梧桐三椅桐梧

桐荆桐

西京
雜記

青梧觀有三梧桐樹

三輔
黃圖

昭帝元鳳三

年馮翊人獻桐枝長六尺一葉也

伏虔古
今註

植桐數十

萬株於阿房城

晉書苻
堅載記

忽見紫桐花悵望下邳明日

是清明

長慶
集

桐生桐栢山中今三原有之

馬志

榆

秦漢故塞其地皆榆

爾雅
翼

上林苑白榆十株

西京
雜記

長安故城樹宜榆

三輔
黃圖

同州郃陽劉靖家兄弟同居

宅邊榆樹生桑人號榆為義祖

清異
錄

榆林地多生榆

王恢云樹榆為塞謂此

賈志

槐 上林苑槐六十四株守宮槐十株

西京
雜記

長安故城

水泉深二十餘丈樹宜槐

甘泉北岸有槐樹今謂

玉樹相傳以為甘泉賦所謂玉樹青葱即此

三輔黃圖

自

長安至于諸州皆夾路樹槐

晉書苻堅載記

雲陽縣界多漢

離宮故地有似槐而葉細土人謂之玉樹

隋唐嘉話

尚書

省都堂南門道東有古槐垂陰至廣相傳夜深聞絲

竹之音省郎有入相者俗謂之音聲樹祠部呼為木

廳言其清且冷也

宋敏求長安志

天街兩畔槐樹俗呼為槐

衙

中朝故事

長安持國寺門前有槐樹數株金監買一株

別理解之每片一天王塔戟成就夏州唯一郵有槐

樹數株鹽州或要葉行牒求之

酉陽雜俎

吳湊為京兆尹

街榆悉易以槐

唐書吳湊傳

華州三家店西北道邊有槐

甚大葱鬱周迴可蔭數畝槐有癭形如二猪相趣奔

走其迴顧口耳頭足一如塑者

奇聞錄

驪山下玉女殿

東有槐兩樹相並上幹相連

馬志

木中車器花可作黃

角資藥物又有葉晝合而夜布者名守宮槐

咸寧縣志

葉

大而黑者名懷槐葉細而青者但謂之槐

咸陽縣志

明皇

幸蜀至馬嵬手植槐焉及肅宗即位鑾輿返京見之

曰此太上槐也俗訛為太上老君槐

興平縣志

檀

樂彼之園爰有樹檀

詩經小雅

孟康曰欖檀檀別名也

上林賦註

有黃白二種葉皆如槐肌細體堅與梓榆莢蓬

相似

本草綱目

苦檀漢中出

漢中府志

駁馬

隰有六駁

詩經秦風

駁馬梓榆也其樹皮青白駁皴

遙視似駁馬故謂之駁馬

陸疏

楸

終南何有有條有梅

詩經秦風

條槲也今山楸也亦如

下田楸耳皮葉白色亦白材理好宜為車板

陸疏

有山

水二種木多紋理

咸寧縣志

有雲楸白楸二種

商州志

楸堅

而好可作舍製器

雒南縣志

楓

張揖曰楓櫟也脂可以為香

上林賦註

楓香木也

西京賦註

上林苑楓四株

西京雜記

關陝甚多樹高大似白楊有赤

白二種白者木理細膩葉圓作岐而香霜後丹

廣羣芳譜

似楊葉圓有脂而香名楓香隋唐多植宮庭故謂宸

居曰楓宸

咸寧縣志

楮

其下維穀

詩經
小雅

穀今之楮樹也

朱子
集傳

南山西北八

十里曰大時之山上多穀 申山其上多穀 鳥山

其下多楮

西山
經

於官社後立官稷稷種穀樹

漢書
郊祀志

皮可作紙實入藥

咸寧
縣志

俗名梅一曰穀田荒蕪久則

穀自生葉有花瓣無曰梅可作紙

咸陽
縣志

民以此皮為

穰做紙

山陽
縣志

椿 椿樗栲一類三種椿木皮細肌實而赤嫩葉香甘

可茹

本草
綱目

易長而有壽南北皆有之

廣羣
芳譜

紅椿木香

葉可為菜

咸陽縣志

向多香椿今無復遺藥

白水縣志

樗

采茶薪樗

詩經幽風

樗惡木也

毛傳

唯堪為薪故云惡木

孔疏

樗樹及皮皆似漆青色其葉臭

陸疏

樗木皮粗肌虛

而白其葉臭惡

本草綱目

白椿木臭幹可為棟

咸陽縣志

山樗

南山有樗

詩經小雅

山樗與下田樗略無異葉似差

狹耳

陸疏

樗山樗

朱子集傳

樗木即樗之生山中者本亦虛

大然斧之如腐朽古人以為不材之木

本草綱目

櫟

山有苞櫟

詩經秦風

柞械拔矣

大雅

秦人謂柞為櫟其子

房生為楸

陸疏

南山西百八十里曰大時之山上多柞

申山其上多柞

西山經

五柞宮漢之離宮也在扶風

盤屋宮有五柞樹因以為名五柞皆連抱上枝覆蔭

數畝

三輔黃圖

櫟有二種不結實者曰械其木心赤結實

者曰栲其實為橡

本草綱目

櫟芽可茹

商州志

櫟俗呼花力

作薪燒炭最佳

山陽縣志

柳有苑者柳

詩經小雅

自長安至于諸州皆夾路樹柳

晉書

苻堅載記

王維別墅在輞川有柳浪

唐書文藝傳

曲江池畔多

柳號為柳衙意謂其成行列如排衙也

中朝故事

鳳州境

內生柳翠色可愛與他處不同

墨客揮犀

送行者於霸橋

折柳贈別名消魂橋

地輿志

金絲柳出鳳縣宋元豐間

有旨下鳳州取金絲柳一百根

明一統志

柳金線者園囿

多蒔之

咸寧縣志

即垂楊挂絲者

延綏鎮志

檉柳 其檉其裾

詩經大雅

檉河柳生水旁皮正赤如絳一

名雨師枝葉似松

陸疏

漢苑中有柳狀如人形曰人柳

一日三眠三起

三輔故事

檉柳一名河柳一名三眠柳即

今俗所稱三春柳也

廣羣芳譜

三春柳出鄜州

延安府志

俗名

沙柳又名三春柳

延綏鎮志

霧柳

叢生材中箭筈

延綏鎮志

水楊

隰有楊

詩經秦風

長楊宮中有垂楊數畝因為宮名

長安御溝謂之楊溝謂植高楊于其上也

三輔黃圖

長

安地多長楊

閩見前錄

白楊葉尖圓如杏枝頗勁微風來則葉皆動其聲蕭

瑟陝號南山谷尤多

懸筈瑣探

白楊陝西甚多永耀間居

人修蓋多此木也

本草
衍義

勁葉逐風作聲

咸寧
縣志

生澤旁

葉圓微風動搖聲若大雨

咸陽
縣志

扶移 唐棣之華

詩經
召南

山有苞棣

秦風

棣唐棣唐棣移也

毛傳

郭璞曰今白移也似白楊

孔疏

一名扶移無風葉動

花反而後合

本草
拾遺

女貞 豫章女貞

上林
賦

張揖曰女貞葉冬不落

上林
賦註

今

人不知女貞但呼為蠟樹女貞一名冬青與冬青同

名異物女貞葉長者四五寸子黑色凍青葉微團子

紅色花皆繁子並纍纍滿樹

本草綱目

前有植白蠟樹者

經亂削伐盡今始復植矣

維南縣志

女貞子黑色

山陽縣志

冬青

太液池邊看月時好風吹動萬年枝

宋盧多遜詩

一

名凍青一名萬年枝

廣羣芳譜

俗呼凍青子赤色

山陽縣志

枸骨 南山有杞

詩經小雅

杞樹如檇一名枸骨

朱子集傳

小華

之山其木多荆杞

西山經

昆明靈沼黑水元汴周以金

堤樹以柳杞

西山賦

杞即榎木也如楊赤理

西京賦

榎杞

也似梓

工林賦註

烏白 生山南平澤樹高數仞葉似梨杏五月開細花

黃白色子黑色

唐本草

漢中有之

漢中府志

黃楊 木理細膩枝幹繁多性堅緻難長

廣羣芳譜

木多黃

楊

華州志

樺木 延州土貢樺皮

唐書地理志

生西北諸地其木色黃

有小斑點紅色能收肥膩其皮厚而輕虛軟柔用襯
鞞裏為刀靶之類謂之暖皮以皮卷蠟可作燭照

本草

綱目

蔓荊

楚荊也

廣志

秦隴多有之莖高四五尺對節生枝

夏有花作穗淡紅色葉黃白色秋結子

圖經本草

藥荊

莖葉似石楠幹亦反卷經冬不死葉上有細黑

點者真今雍州所用者是

唐本草

牡荊

言刈其楚

詩經周南

止於楚

秦風

以牡荊畫幡日月北

斗登龍

漢書郊祀志

牡荊荊之無子者

如淳注

牡荊作樹不

為蔓生故稱為牡非無實之謂

唐本草

其生成叢而疎

爽故謂之楚

本草綱目

棘

在彼杞棘

詩經
小雅

左九棘孤卿大夫位焉羣士在其

後右九棘公侯伯子男位焉羣吏在其後

周禮
秋官

白棘

別錄云生雍州川谷一名棘鍼一名棘刺

馬志

赤棘

隰有杞棘

詩經
小雅

棘赤棘也

毛傳

釋木曰白者棘舍

人曰棧名赤棟郭璞曰赤棟樹葉細而岐銳皮理錯

戾好叢生山中白棘葉圓而岐為木大也

孔疏

皂莢

生雍州山谷如豬牙者良

名醫
別錄

唐華清宮今靈

泉觀也七聖殿之西南隅數十步間有皂角一株合

數人抱枝幹頗瘁相傳明皇貴妃共植于此每歲結實必有十數莢合歡者京兆尹令老卒數十守視之移接於他枝則不復合歡也

墨客揮犀

雙皂莢生太白山

圖書編

雙皂莢在驪山下臨崖玉女殿西其背相合故

名

馬志

秦人多樹之以為社

咸陽縣志

蜜香樹

漢武帝起扶荔宮植所得異木有蜜香樹百

本

三輔黃圖

靈壽木

其櫪其楮

詩經大雅

楮櫪也

毛傳

楮木節中腫似扶

老今人以為馬鞭及杖弘農郡北山有之即今靈壽

木也

陸疏

光稱疾辭位太后詔賜靈壽杖

漢書孔光傳

木似

竹有節長不過八九尺圍三四寸自然有合杖制不

須削理令人延年益壽

顏師古註

娑羅木

慈恩寺殿庭大娑羅樹大厯中安西所進其

木椿賜此寺四楹大德行逢自種之

酉陽雜俎

有坪曰莎

羅舊有莎羅樹大合抱頂如華蓋葉七出如掌白華

綠萼

登華記

在青柯坪西域種

香祖筆記

杻

北山有杻

詩經
小雅

杻櫪也葉似杏而尖白色皮正赤

為木多曲少直枝葉茂好二月中葉疎華如練而細

莖正白蓋枌今官園種之正名曰萬歲

陸疏

今官園種

之名曰萬歲或謂之牛筋

嚴粲
詩緝

似棣細葉葉新生可

飼牛材中車輶關西呼杻子一名土櫪

爾雅
郭註

英山其

上多杻櫪

大時之山下多杻櫪

數歷之山木多

杻櫪

申山下多杻櫪

西山
經

楷

上申之山下多楷

西山
經

楷木可以為箭詩云榛楷

濟濟

郭註

莖似荊而赤其葉如著

草木疏

藥華

藥華生漢中川谷

名醫別錄

長安山中亦有之其子

謂之木藥子

圖經本草

本草云葉似木槿而薄細花黃似

槐而稍長大小殼如酸漿其中有實如熟豌豆圓黑

堅硬堪為數珠者是也

馬志

藥柴可茜氈

延長縣志

櫛

櫛似桤葉冬不落

上林賦註

櫛木處處山谷有大者

數抱高二三丈葉如栗葉而稍尖堅厚光澤凌冬不

凋三四月開白花如栗花實大如櫛子

本草綱目

櫟

林有樸櫟

詩經
召南

櫟櫟別名

爾雅
郭註

櫟二種叢生小者

名抱高者名大葉櫟樹三四月開花亦如栗八九月

結實似橡子而稍短小蒂亦有斗

本草
綱目

櫟大葉

山陽
縣志

棧

柞棧拔矣

詩經
大雅

棧白桤也

鄭箋

郭璞曰桤小木也叢

生有刺實如耳璫紫赤可食

孔疏

浮山西七十里曰榆

次之山漆水出焉其上多棧櫟

西山
經

青剛木

出宜君宜川

延安
府志

割漆者必需之

山陽
縣志

黃櫟

郭璞曰櫟橐櫟

上林
賦註

黃櫟木生商洛山谷葉圓

木黃可染黃色

本草拾遺

昔無今有

山陽縣志

棟

有雌雄二種雄者無子根赤雌者有子根白

唐本草

類紫荊微白

咸陽縣志

黃棟山中呼為藥樹

山陽縣志

楸

楸木葉最大有類團扇其皮可以當麻取為魚網

之網牢固殊常

廣羣芳譜

出宜川

延安府志

可刺鏤

山陽縣志

皮作

絙羈鞋履

華州志

樸

凡凡棧樸

詩經大雅

樸枹木也

毛傳

椅

其桐其椅

詩經小雅

梓之美文者為椅

本草綱目

出自南山

鄆縣

志

桑

阪有桑

詩經秦風

蠶月條桑

龜風

鳥山其上多桑

西山經

唐

京兆萬年縣大寧坊有桑樹一株暮秋生子秋冬堪

熟

文苑英華

桑有數種葉沃者曰沃桑不實可飼蠶結椹

者亦有黑白二種

咸寧縣志

檿

其檿其柘

詩經大雅

檿山桑也

毛傳

郭璞曰材中為弓

孔疏

山中有之

盤屋縣志

桑多山桑家植者甚少然山桑之絲

堅韌異常謂之檿絲

維南縣志

柘 弓人為弓取幹之道七柘為上

周禮考工記

張曲江里

第之側有古柘嘗因狂風發其一根解為器具花紋

甚奇人又以公之手筆冠世目之曰文章樹

清異錄

柘

亦可飼蠶

咸寧縣志

牡丹 生漢中

名醫別錄

長安貴遊尚牡丹每春暮車馬若

狂以不就玩為恥

國史補

開元禁中初重木芍藥即今

牡丹也得數本紅紫淺紅深白者移植於興慶池東

沉香亭前

撫異記

開元中裴士淹奉使幽冀過汾州衆

香寺得一株白牡丹移植長安至德中馬僕射總鎮
太原又得紅紫二色者今則多與戎葵比矣長安興
善寺素師院牡丹絕佳元和末一枝花合歡 興唐

寺牡丹一窠元和中著花一千二百朵其色有正暈
倒暈淺紅淺紫深紫黃白檀等獨無深紅又有花葉

中無抹心者重臺花者其花面徑七八寸 酉陽雜俎 生漢

中苗似羊桃根似芍藥長安謂之吳牡丹 唐本草 洛人

宗單父能種藝術凡牡丹變易千種紅白間色上皇

名至驪山植花萬本，色樣各不同。

龍城錄

今丹延山中

皆有，但花有黃、紫、紅、白數色。此當是山牡丹，其莖梗

枯燥，黑白色。

圖經本草

丹延以西褒斜道中最多，與荊棘

無異。

歐陽花譜

唐開元中，天下太平，牡丹始盛于長安。

廣羣

芳譜寶雞縣北二里蟠龍山，有故相國少傅党公崇雅

別業。公好蒔花竹，一日有樵人獻牡丹一枝，色如墨。

四邊作金線界道，云得之棧中，令人踪跡之不復見。

矣。

隴蜀餘聞

牡丹，色名錯出，約百餘種。

咸寧縣志

鳳翔解舍內

有牡丹一叢四十餘枝枝大如斗是東坡以斗酒易

之者在蓮池亭之北蘇子由有岐下詩二十一韵

鳳翔

縣志 宗歐陽修花譜延安紅丹州紅皆謂產之傑然者

自丹延以西尤多土人刈以為薪

延安府志

在白姑寺者

竟成樹

安塞縣志

牡丹山多產牡丹開時紅紫滿山香聞

數十里土人採以當薪又有牡丹坪在渚北村西北

亦多牡丹

韓城縣新志

海棠 宋淳熙間秦中有雙株海棠其高數丈脩然在

衆花之上與江淮所產絕不類

閱耕餘錄

海棠秦中者為

次其株脩然如出塵高步俯視衆芳有超羣絕類之

勢

徐積海崇花序

千葉者佳子為秋實

咸寧縣志

垂絲海棠山中

最多人不知植貼梗海棠俗呼茶花

山陽縣志

玉藥 上都安業坊唐昌觀舊有玉藥花甚繁每發若

瑤林瓊樹

劇談錄

唐昌觀玉藥花長安惟有一株或詠

之曰一樹瓏鬆玉刺成則其葩藥形似畧可想矣春

花盛時傾城來賞至謂有仙女降焉元白皆賦詩以

實其事曾端白曰韋應物帖云京師重玉蘂花

雍錄

山礬

一名海桐樹婆婆可觀花碎白而香

學圃餘疏

大者

高丈許葉似梔子光澤堅強畧有齒凌冬不凋三月

開花繁白如雪六出黃蕊甚芬香結子大如椒青黑

色熟黃可食曾端伯以七里香為玉蘂花未知的否

本草

綱目 一名芸香 一名七里香

興安州志

木蘭

櫟檀木蘭

上林賦

上宴諸王于木蘭殿時木蘭花

發皇情不悅妃醉中舞霓裳羽衣一曲天顏大悅

太真

外傳長安敦化坊百姓家太和中有木蘭一樹花色深

紅太平廣記

辛夷 王維別墅在輞川有辛夷塢唐書文藝傳列辛雉于

林薄甘泉賦生漢中魏興梁州川谷樹高丈餘名醫別錄一

名辛雉一名木筆花開初出枝頭苞長半寸而尖銳

儼如筆頭廣羣芳譜

玉蘭 唐昌的的春猶淺漢掌亭亭露欲溥張茂吳玉蘭詩花

九瓣色白微碧香味似蘭故名廣羣芳譜花則多玉蘭華州

志

繡毬

春月開花五瓣百花成朵團圓如毬

○廣羣芳譜
按藍田

諸縣志

俱有之

紫荊

京兆田真兄弟三人共議分財堂前一株紫荊

樹共議欲破其樹即枯死狀如火燃真大驚因不復

解樹應聲榮茂

齊諧記

有紫荊白荊二種

鄆縣志

紫荊之

花清烈而美

渭南縣志

崖嶺甚廣三四月過之芬香撲人

安塞

縣志

紫薇

開元元年改中書省曰紫薇省

唐書百官志

一名百

日紅四五月始花一枝數穎一穎數花每微風至妖

嬌顫動舞燕驚鴻未足為喻唐時省中多植此花

廣羣

芳譜花多紫薇

華州志

梔子

鮮支黃櫟

上林賦

司馬彪曰鮮支支子也

上林賦註

海

梔高不盈尺香氣襲人

洋縣志

簷蔔花

刀六出刺房

七道花香異常即西域之種也一作瞻博花

沔縣志

杜鵑

商山秦嶺愁殺人山石榴花紅夾路

長慶集

王建

宮詞云敕賜一窠紅躑躅謝恩未了奏花開其重如

此

容齋隨筆

杜鵑一名紅躑躅一名山石榴

廣羣芳譜

木槿

山中習靜觀朝槿

王維輞川莊詩

夜合

葉似皂莢及槐極細五月花發紅白色上有絲

茸秋實作莢子極薄細西京第宅山池間亦有種者

名合昏

唐本草

木芙蓉

張揖曰華皮可以為索

上林賦註

相如賦謂之華

木叢生高丈許葉大如桐冬凋夏茂秋半著花類牡

丹芍藥有紅白黃千葉者山人取其皮為索

本草綱目

巖桂

桂椒木蘭

上林賦

上林苑樹桂十株

西京雜記

昭帝元

鳳二年於琳池之南起桂臺以望遠氣東引太液之

水有一連理桂樹上枝跨于渠水下枝隔岸而南生

與上枝同一株

拾遺記

桂有硃砂桂金釵桂黃桂白桂

南鄭縣志

黃白二色秋未中而花爭吐

沔縣志

山茶 深冬開花紅瓣黃蕊周憲王云嫩葉亦可蒸晒

作飲

本草綱目

以葉類茶經冬不凋故得茶名

廣羣芳譜

實為

花木瓜

咸寧縣志

蠟梅

上林苑有蠟梅隆冬而花

西京雜記

元稹為翰林承

旨朝退行至廊下初日映九英隙光射稊有氣勃然

百僚望之曰豈腸胃文章映日可見耶

纂要

蠟梅雖盛

開常半含名磬口梅次曰荷花又次曰九英

廣羣芳譜

色

黃似蠟香清

山陽縣志

瑞香 冬春之交開花成簇長三四分如丁香狀共數

種

廣羣芳譜

有黃紫白三色

本草綱目

興安州出

興安州志

迎春 方莖厚葉葉面青背淡對節生正月初開小花

狀如瑞香黃色不結實

本草綱目

一名金腰帶人家園圃

多種之

廣羣芳譜

按西

安府縣志俱有之

丁香 雞舌香即今丁香是也三省故事郎官日含雞

舌香欲其奏事登答其氣芬芳

夢溪筆談

丁香有雌雄雄

為丁香雌為雞舌香

本草綱目

為種不一花大者曰荊

咸寧

縣志

靈雀

春初開黃花甚可愛儼狀飛雀

遵生八牋

藍田有之

藍田

縣志

茉莉

弱莖繁枝花皆暮開其香清婉柔淑

廣羣芳譜

葭州

出

葭州志

瓊花

元遺山續夷堅志云鄆縣南十里炭谷入谷五

里有瓊花樹大四人始合抱逢閏即花以初伏開末
伏乃盡花白如玉中有玉蝴蝶一高出花上花落不

著地乘空而起

香祖筆記

紫藤

藤皮著樹從心重重有皮四月生紫花可愛長

安人亦種飾庭池

本草拾遺

花多藤花

華州志

南藤

不見高人王右丞藍田丘壑蔓寒藤

杜工部集

南藤

即丁公藤生南山山谷

圖經本草

細藤圓膩紫綠色一節

一葉葉深綠色似杏葉而微短厚四時不凋

本草綱目

龍藤

山蓀亭有龍藤十二樹夭矯多節節皆凹枝榦

皆空相傳為陳希夷所植

說鈴山蓀亭在華山

按華嶽作

木香

惟紫心白花者為最香馥清遠高架萬條望若

香雪

廣羣芳譜

按

洋縣志有之

通脫木 葉似蓖麻其莖空中心有白瓢輕白可愛女

人取以飾物俗名通草

本草拾遺

蔓生山中莖大者圍數

寸

本草綱目

山陽有之

馬志

天油箸 叢生可取為箸

安塞縣志

瓔珞藤

終南山出軟碧可愛葉甚小有子累累然纏

固其上有似瓔珞

纂要

竹如竹苞矣

詩經小雅

英山禹水出焉其陽多箭簞

又

西竹山竹水出焉北流注于渭其陽多竹箭 又西

踰次之山漆水出焉其下多竹箭 嶓冢之山翬水

出焉上多桃枝鉤端

西山經

今漢中郡出簪竹厚理而

長節根深 箭篠也 鉤端桃枝屬

郭註

渭川千畝竹

其人與千戶侯等

史記貨殖傳

褒斜材木竹箭之饒擬于

巴蜀

河渠書

漢水重安而宜竹

淮南子

秦地有鄠杜竹林

漢書地理志 篠簜敷衍編町成篁

西京賦

林茂有鄠之竹

西征

賦 嶓冢美竹厥號桃枝簞以安寢杖以扶危

郭璞桃枝贊

竇將軍有青竹田

三輔故事

蔣詡舍種竹下開三徑

三輔決錄

太液池岸有竹數叢牙筍未嘗相離帝與諸王步於竹間謂諸王曰人世父子兄弟尚有離心覩此可以

為鑑因呼為義竹

開元天寶遺事

輞川有竹里館

唐書文藝傳

貧

簞谷在洋州產竹故詩云漢川修竹賤如蓬

東坡集註

丹

青竹黃碧丹相間出熊耳山

竹譜

竹出咸寧藍田鄠縣

盤屋渭南

圖書編

平利縣化龍山有苦竹其竹米可充

食歉歲民多資之

賈志

鳳尾竹中筵杖甜竹即義竹桓

竹出南山小者曰松花竹中織器用墨竹色淡者曰

紫竹

咸寧縣志

輞川北垞有金絲竹數叢卽竹里館也

藍田

縣志

周穆王遊元池

在盤屋縣

植竹竹皆成斑其大如椽其

密如簣

盤屋縣志

竹有斑竹篁竹紫竹木竹觀音竹繡毬

竹松花竹鳳尾竹洋州雙竹一幹兩枝

漢中府志

產毛竹

鎮安縣志

產箬竹茨竹苦竹

洵陽縣志

丹青樹

終南山有樹直上百尺無枝上結叢條如車

蓋葉一青一赤望之斑駁如錦繡長安謂之丹青樹

亦云華蓋樹亦生熊耳山

西京雜記

千年長生樹

上林苑有十株

西京雜記

萬年長生樹

上林苑有十株

西京雜記

七葉樹

杜佑城南樊川有桂林亭其地有七葉樹每

朶七葉因以為名羅隱詩所謂夏窻七葉連簷暗是

也

張禮遊城南記

模木

生周公冢上其葉春青夏赤秋白冬黑以色得

其正也

淮南王草木譜

淨土樹

在鄆縣南三月開花如桃花八月結實狀如

小粟殼中皆黃土俗傳鳩摩羅什憩此覆其履土中

所生

明一統志

大空 秦隴人名獨空葉似楮小圓厚根皮赤色

唐本草

琵琶 駱谷生花明艷似杜鵑花樵者識之曰早花殺

人

李紳集注 按本草綱目云此花似羊躑躅

文莖 小華山西八十里符禺之山其上有木名曰文

莖其實如棗可以已聾

西山經

盼 竹山西百二十里曰浮山多盼木枳葉而無傷木

蟲居之

經 西山

不灰木

太平寰宇記云俗多為鋌子燒之成炭而不

灰其葉如蒲草今人束以為燎謂之萬年火把

楊慎丹鉛

錄 按今南山深谷中間有之入油雖數十燒不灰惟見水則易壞

不凋木

生太白山巖谷樹高二三尺葉似槐莖赤色

有毛如棠梨四時不凋

本草拾遺

無憂樹

華山希夷洞側有樹四株名無憂樹

龍蜀餘聞

在

西嶽玉泉院西域種

香祖筆記

樵支木

枇杷樵柿

上林賦

郭璞曰樵樵支木也

上林賦註

貝多 貝多出自摩伽陀國長六七丈經冬不凋貝多

是梵語漢翻為葉樹名

酉陽雜俎

延長有之

延長縣志

禽屬

鳳凰 鳳凰于飛翩翩其羽 鳳凰鳴矣于彼高岡

詩經

大雅雄曰鳳雌曰凰其雛為鸞鸞非梧桐不棲非竹實

不食非醴泉不飲

陸疏

文王時鳴於岐山

論語朱註

周之典

也鸞鸞鳴于岐山 周語鳳凰降集京師羣鳥從以萬數

漢書宣
帝本紀

五鳳三年鳳集長樂宮東闕樹上 神爵二

年鳳凰集祿祠縣

三輔
黃圖

鵠

西方之鳳名鵠

禽經

長脰綠色其形似雁

西京
賦註

焦明

似鳳西方之鳥也宋衷曰水鳥也

上林
賦註

鶴

鶴鳴于九臯

詩經
小雅

大如鵠長脚青翼高三尺喙長

四寸餘多純白亦有蒼色者今人謂之赤頰常夜半

鳴

陸疏

鶴間有之

臨潼
縣志

有灰鶴

延安
府志

鸛

鸛鳴于垤

詩經
豳風

鸛水鳥也將陰雨則鳴

鄭箋似鴻而

大長頸赤喙白身黑尾翹樹上作巢大如車輪卵如

三升杯

陸疏

鷓鴣 爾雅曰鷓鴣也

西都賦註

一名鷓鴣一名鷓鴣

名鷓鴣按羅願云鷓鴣其色蒼如鷓也鷓鴣其聲也

關西呼曰鷓鴣

本草綱目

鷓鴣 有鷓鴣在梁

詩經小雅

水鳥也一名扶老

玉篇

狀如鷓而大

青蒼色其喙下有胡袋如鷓鴣狀好啖魚蛇及鳥鷓

本草綱目 鷓即鷓鴣

山陽縣志

鵜鵒

鵜水鳥形如鵜而極大喙長尺餘直而廣口中

正赤頷下胡大如數升囊

詩經陸疏

好羣飛沉水食魚故

名洿澤俗呼之淘河

爾雅郭註

太液池邊多平沙沙中鵜

鵜動輒成羣

西京雜記

鴻

鴻飛遵渚

詩經幽風

鴻鵠羽毛光澤純白似鶴而大長

頸肉美如雁又有小鴻大小如鳬色亦白今人直謂

鴻也

陸疏

毛萇詩傳曰大曰鴻

西都賦註

雁

鴻雁于飛

詩經小雅

大曰鴻小曰雁

毛傳

自關而西謂之

鳴鵒

方言

秦穆公得百里奚公孫支歸取雁以賀

說文 駕

鵒野鵒

西京賦註

按方言鳴字玉篇音加與駕同則駕即鳴也

鵒

說文曰鵒黃鵒也

西都賦註

始元元年黃鵒下太液池

上為歌曰黃鵒飛兮下建章

西京雜記

似鸛而小毛畧紅

巢於木

商州志

鳬

鳬驚在涇

詩經大雅

郭璞曰似鴨而小長尾背上有文

陸璣云青色卑脚短喙水鳥之謹愿者也

陸疏

野鴨也

咸陽

縣志

鴛鴦

鴛鴦于飛

詩經小雅

鴛鴦雄雌不相離故謂之匹鳥

崔豹古

今註

一名黃鴨其質杏黃色有文采紅頭翠鬣黑

翅黑尾紅掌其交不再

本草綱目

性有定偶

咸陽縣志

黃鴨野

鴛鴦也

延綏鎮志

羽有黃鴨

米脂縣志

鵪鶉

晴交而孕

禽經

郭璞曰似鳧而脚高有毛冠辟火

災

上林賦註

太液池邊多鵪鶉

西京雜記

旋目

司馬彪曰旋目鳥名也

上林賦註

大如鷺而短尾紅

白色深目目旁毛皆長而旋上林賦云鵪鶉旋目是

矣

本草綱目

方目 一名鴝 一名澤虞 俗名護田鳥 西人謂之蝦蟇

護水鳥 常在田澤中 形似鷗 鷺蒼黑色 頭有白肉冠

赤足 見人輒鳴喚不去

本草綱目

鷺鷥 振鷺于飛 于彼西雝

詩經周頌

爾雅曰 鷺春鋤

西都賦註

鷺鷥膚施縣出 馬志 生沙堤水洲 色白

咸陽縣志

頭雪白 絲

冠

山陽縣志

鷗 鳬鷺在涇

詩經大雅

倉頡解詁云 鷺鷥也 一名水鷺

孔疏

悠悠水上人以比忘世君子

咸陽縣志

鷦玉

晉灼曰屬玉水鳥似鷽鵲

漢書宣帝紀註

天子登屬玉

之館

西都賦

駕鷽鷽玉

上林賦

屬玉似鴨而大長頸赤目

裁紺色

三輔黃圖

鷽鷽

盧鷽鷽也

上林賦註

似鷽而小色黑亦如鴉而長喙

善沒水取魚日集洲渚夜巢林木

本草綱目

形似鷽灰色

咸陽縣志

翠鳥

符禺之水北流注渭其鳥多鷽其狀如翠而赤

喙可以禦火

西山經

翠似燕而紺色畜之辟火災

郭畧註

陽縣出翡翠

舊志

羽多翠鳥

華州志

鵲鴝 脊令在原

詩經小雅

大如鸚鵡雀長脚長尾尖喙背上

青灰色腹下白頸下黑如連錢故杜陽人謂之連錢

陸疏脊令雖渠水鳥也

朱子集傳

松果之山瀟水出焉有鳥

其名曰鵲渠其狀如山雞黑身赤足可以已曝

西山經

即鵲渠古音畧云水鳥也

吳任臣注

庸渠似鳧灰色而雞

脚一名章渠

上林賦註

唐明皇時有脊令數十飛集麟德

殿廷木翔棲浹日魏光乘作頌以為天子友悌之祥

爾雅翼

脊令一名雪姑

米脂縣志

雉

雉之朝雉

詩經小雅

孟山鳥多白雉白翟

西山經

漢書鴻

嘉二年雉飛集承明殿屋

三輔黃圖

隴州產雉尾

寰宇記

雉

供祀典

咸寧縣志

山雉多

山陽縣志

羽多雉

華州志

鷓鴣雉

有集維鷓鴣

詩經小雅

微小于翟走而且鳴其尾長肉

甚美

朱子集傳

鷓鴣雉俗呼化雞形如鷓鴣土色白黑斑尾長

六七尺夜栖必擇大樹尾倚木直豎

山陽縣志

鷲雉 小華之山鳥多赤鷲可以禦火 嶠冢之山鳥

多赤鷲 經西山 赤鷲山雞之屬胸腹洞赤冠金背黃頭

綠尾中有赤毛彩鮮明 郭註 促駿鷲 上林賦 羽儀五彩望

之繽紛間于山中羅致之然性不受擾置籠中輒自

斷尾 沔縣志 西鄉縣出錦雞 舊志 錦雞一名鷲雉一名駿

鷲五色不與他鳥同赤如硃砂綠似銅綠黃如金白

如粉黑似漆但不能生捕必捕雛以養之 山陽縣志

吐綬雞 羽色多黑雜以黃白圓點如真珠斑頂有喙

囊內藏肉綬常時不見每春夏清明則向日擺之頂上先出兩翠角二寸許乃徐舒頷下綬長潤近尺紅碧相間彩色煥爛踰時悉斂不見或剖而視之一無

所覩

本草綱目

鳳翔有之

鳳翔府志

鷦鷯

鷦鷯飛集丞相府

漢書黃霸傳

張揖曰鷦鷯似雉鬪死

不却

工林賦註

似雉而大黃黑色首有毛角如冠

本草綱目

白鷗

嶠冢之山鳥多白翰

西山經

白翰白鷗也亦名鷗

雉又曰白雉

郭註

白鷗一名白鷗鷗鷗音之轉也白色

有黑文如漣漪

本草綱目

通身雪白項下黑至胸背上如

細墨筆畫紋細嘴紅腿形大于錦雞土人呼潮雞非

也

山陽縣志

山雞

洋縣出

舊志

類班鳩紅嘴足而毛文小異可為窻

禽也

延綏縣志

山雞非吐綬駿驤也

澄城縣志

鷓鴣

太液池邊平沙上多鷓鴣

西京雜記

性畏霜露早晚

希出夜栖以木葉蔽身多對啼今俗謂其鳴曰行不

得也哥哥

本草綱目

漢中出

漢中府志

竹雞 一名泥滑滑處處有之多居竹林比鷓鴣差小

褐色多斑赤文其性好啼見其儔必鬪

本草綱目

石泉有

之

石泉縣志

鷓鴣 其形大於鴛鴦而色多紫亦好並遊謂之紫鴛

鴛

本草綱目

漢中有之

漢中府志

鵲 生水草中大如鳬鷖羽色微灰黑嘴尖如錐頸足

俱長其翎堪中箭羽謂之鵲鷖鵲當作鵲

延綏鎮志

鷓 太液池邊多平沙沙上鷓鷓動輒成羣

西京雜記

杜預

曰鷓鴣水鳥也

上林賦註

青鷓

有名信天緣者終日凝立不易其處俟魚過取

之即俗名青翰者也又名青鷓

本草綱目商州志有之

按

箴鷓

張揖曰箴鷓似魚虎而蒼黑色

上林賦註

鷓鴣

雞三尺曰鷓

爾雅

似鶴黃色

上林賦註

鷓鴣雞黃白長項

赤喙

西京賦註

提壺鳥

商州未是無人境一路山村有酒沽遷客由

來長合醉不煩幽鳥道提壺

王禹偁閭提壺鳥詩

雙雞

元和十五年奉令採雙雞五聯各重四觔

元稹同州

進雙雞狀

唐元稹有進雙雞表今土人亦不復識

同州志

土角兒

慧鳥色如土而斑頭豎毛好食沙土拌穀秦

中謂之土角兒能學諸鳥鳴與貓犬聲形小聲弱不

能遠聞

來陽伯詩集

阿濫堆

驪山多飛禽名阿濫堆明皇御玉笛采其聲

為曲子名當時左右皆傳唱之

唐尉遲偓中朝故事

紅樹蕭蕭

閣半開玉皇曾幸此宮來至今風俗驪山下村笛猶

吹阿濫堆

張祜詩

水鴉兒 關內水鴉兒旱乾累月氣如焚柴忽樹頭睨

睨數聲則滂沱立至故獲此名

觚賸按關中有一種鳥毛黑形似鴉

名水鴉兒

紅鶴 色紅禽經所謂朱鷺是也

圖經本草 出膚施縣

馬志

伯勞 七月鳴鵓詩經鵓伯勞也

毛傳 伯勞純黑色形小

于鵓好擊搏羣鳥皆怕夏至一陰生則五更鳴七月

鳴不已大寒將至也不久去矣一名博勞左氏作伯

趙商山名硯瓦蟲

山陽縣志

鸚鵡

身首俱黑兩翼下各有白點頭上有幘亦有無

幘者

本草綱目

俗名八哥翦舌尖能效人言

洵陽縣志

鸚鵡

數歷之山鳥多鸚鵡

西山經

建隆二年隴州進黃

鸚鵡

宋史太祖本紀

郭浩以秦鳳提刑獄按邊至隴口見一

紅一白鸚鵡鳴於樹間問上皇安否浩詰其因蓋隴

州歲貢此鳥徽宗置之安妃閣教以詩文及宣和末

使人發還本土二鳥猶感恩不忘

建炎筆談

正大六年隴

州防禦使舒穆魯棟爾進黃鸚鵡

金史哀宗本紀

師曠謂之乾

臯李昉呼為隴客有綠鸚鵡出隴蜀丹味鈎吻長尾

赤足金睛深目舌如嬰兒

本草綱目

出隴州能言鳥

明一統志

百舌 一名反舌狀如鵲鵲而小灰黑色微有斑點喙

亦尖黑行則頭俯春後鳴轉不已夏至後則無聲

本草

綱目興安有之

興安州志

黃鸚

黃鳥于飛

詩經周南

交交黃鳥

秦風

有鳴倉庚

豳風

黃鳥

黃鸚留也或謂之黃栗留一名倉庚一名商庚一名

鴛黃一名楚雀關西謂之黃鳥當萁熟時來往桑間

陸疏自關而西謂之鸛黃或謂之黃鳥方明皇每於禁

院中見黃鶯常呼之為金衣公子

開元天寶遺事

黃鸝關中

謂之楚雀

趙德麟侯鯖錄

斑鳩 翩翩者鷓

宛彼鳴鳩

詩經小雅

鷓春秋云祝鳩郭

璞曰今鷓鳩也

孔疏

鳴鳩斑鳩也

草木疏

鷓其鷓鳩謂之

鷓自關而西秦漢之間謂之鷓鳩其大者謂之鷓

鳩其小者謂之鷓鳩或謂之鷓鳩或謂之鷓鳩或謂

之鵲鳩

方言

小而無斑者鵲

本草綱目

有斑鳩秋鳩二種

咸寧

縣志

鴈鳩

維鳩居之

詩經名南

鳩鳩鳩鵲也

毛傳

鳩鳩有均一

之德飼其子旦從上而下莫從下而上均平如一

陸疏

今之布穀也

朱子集傳

南山鳥多尸鳩

西山經

尸鳩自關而

西謂之服鷓或謂之鷓鷃

方言

按爾雅鷓鷃即布穀非

戴勝也

郭註

布穀一名郭公鳥

山陽縣志

雉鳩

關關雉鳩

詩經周南

雉鳩王雉也鳥摯而有別

毛傳

大

小如鷓深目目上骨露出

陸疏

水鳥狀類鳬鷖

朱子集傳

鵲鵲

唐明皇呼為飛奴

韻會

鵲之毛色於禽中品第最

多

本草衍義

色名不一

咸寧縣志

有家野二種

延綏鎮志

鷓鴣

唐書云高宗時突厥犯塞有鳴鷓羣飛入塞邊

人驚曰此鳥一名突厥雀南飛則突厥必入寇張華

云鷓生關西飛則雌前雄後隨其行止

本草綱目

慈鳥

華州華陰郡土貢鳥

唐書地理志

柳仲郢每遷官羣

鳥大集于昇平里第庭樹戟架皆滿凡五日而散家

人以為候

舊唐書柳公綽傳

純黑小嘴者反哺者慈烏

本草綱目

烏鴛反哺得仁孝之端人謂之慈烏

咸陽縣志

純黑色為

烏

山陽縣志

反哺者為烏

葭州志

烏鴛

弁彼鸞斯歸飛提提

詩經小雅

小而腹下白不反哺

者謂之鴛鳥

爾雅

鴛楚鳥也一名鸞秦謂之雅

說文

大嘴

腹白不反哺者鴛鳥

本草綱目

頸白而小不能反哺

咸陽縣志

白項為鴛

山陽縣志

小而腹白不反哺者為鴛

葭州志

山鳥

似鴛鳥而小赤嘴穴居者山鳥也一名鷓鴣生西

方

本草綱目

烏有赤嘴穴乳者

咸寧縣志

鴛有白項赤嘴二種

延綏

鎮志

乾鵲

維鵲有巢

詩經周南

鵲之作巢冬至祭之至春乃成

鄭箋

鵲善為巢其巢最為完固

朱子集傳

孝武坐未央前殿

東方朔執戟階旁屈指獨語上見朔呼問之曰殿後

栢樹上有鵲立枯枝東向而鳴使視之果然

漢書東方朔傳

其翼左覆右為雄右覆左為雌人謂之喜鵲

咸陽縣志

鳥

多鵲

山陽縣志

山鵲

鸞山鵲

爾雅

似鵲而有文彩

郭註

似鵲而尾長

洵陽縣志

紅嘴脚灰青色長尾有白尖稍

山陽縣志

子規 一名杜宇 一名杜鵑 一名周燕 狀如雀鷄而色

慘黑赤口有小冠春暮鳴夜啼達旦鳴必向北至夏

尤甚田家候之以興農事

本草綱目

按今漢中郡志及興安蒲城諸志俱有

之

燕 一名乙鳥 一名天女 別錄曰有紫胸輕小者是越

燕有斑黑而聲大者是胡燕

本草綱目

燕有大小二種

咸寧

縣志

燕子山以玄鳥冬蟄此又名燕子龕

商州志

羽多燕

華州志

按延綏岐山葭州

諸志有名沙燕者即胡燕

瓦雀

以色名麻雀以常在階除名賓雀以居檐中名

瓦雀

山陽縣志

黃雀

莊辛曰黃雀俯啄百粒

西京賦註

小於瓦雀色黃

山陽

縣志

靈雀

細軀翼拖黃金有花同名色芸黃每夏月花開

鳥輒引族至嚶鳴可聽

沔縣志

蒿雀

似雀青黑色在蒿中

本草拾遺

能逐更夜啼

延綏鎮志

鷓鴣

大如雞雛頭細而無尾毛夜則羣飛晝則草伏人

取之畜令鬪搏

本草綱目

人養之鬪

山陽縣志

鷓鴣

一名鴛鄭玄註禮記以鷓為鴛

本草拾遺

與鷓相似無

斑者為鷓

本草綱目

亦作鷓大于鷓鳴聲如牛故名牛鷓

山陽

縣志

白頭翁

漢中有之

漢中府志

蠟嘴

交交桑扈

詩經小雅

俗呼青雀嘴曲食肉喜盜脂膏

食之

乳

鄭註云此鳥今謂之蠟嘴性甚慧

陸疏廣要

養之

易馴嘴如黃蠟

山陽縣志

練雀

禹錫曰似鵯鵯而小黑褐色時珍曰其尾長白

毛如練帶今俗呼為拖白練

本草綱目

咸寧有之

咸寧縣志按

臨潼志鳥有名托白者托即拖音之訛也

畫眉

好音怡人眉白長如畫山人不知養

山陽縣志按漢中

志南鄭志

俱有之

鵯

鵯有豹文故名獨豹

爾雅翼

鵯似雁無後趾毛有豹

文

工林賦註

一名花豹陸佃曰鶉性淫而無定匹

延綏鎮志

半翅

一名半癡大如鶉見人鳴喚不去故有癡目

延綏

鎮志

啄木

此鳥鑿裂樹木取蠹食故名博物志云能以嘴

畫字令蟲自出

本草綱目

有二種

山陽縣志按延安郡志延綏鎮志商州華州

志俱有之

鷦鷯

鷽鷽鷽鷽

詩經幽風

肇允彼桃蟲

周頌

桃蟲今鷽鷽是

也微小于黃雀其雛化而為鵬故俗語鷽鷽生鵬

陸疏

鷦鷯一名鷽鷽關西謂之桑飛孔疏桑飛自關而西或

謂之懷爵方言桑飛即鷽鷽也又名鷽鷽懷爵言懷截

也郭註傳以為鷽鷽按鷽鷽孔疏以為桑飛朱

相思鳥

按今長安咸寧皆有之小而灰色置雌雄各一於籠中或放其一雄鳴則雌歸雌鳴則雄

歸俱放則皆飛去

鷽鷽

鷽鷽自關而西秦隴之內謂之鷽鷽方鳥似雞

五色冬無毛赤裸晝夜鳴鄭註一名寒號蟲夜鳴求旦

之鳥也冬月毛脫惟翅尖有硬羽千里之遠求食一

處拋糞

山陽縣志

鷹 歟彼飛隼

詩經小雅

隼鷃屬也或謂之雀鷹春化為布

穀者是也

陸疏

茂陵少年李亨以鷹鷃逐雉兔皆為之

佳名鷹則有青翅黃眸青冥金距之屬鷃則有從風

鷃孤飛鷃

西京雜記

華州華陰郡貢鷃

唐書地理志

爾雅翼云

在北為鷹在南為鷃一云大為鷹小為鷃

本草綱目

羽多

鷹鷃

華州志

鷃 歟彼晨風

詩經秦風

晨風鷃也

毛傳

似鷃青黃色燕含勾

喙向風搖翅乃因風飛急疾擊鳩鴿燕雀食之

陸疏

鵟

似鷹而大尾長翅短土黃色鷙悍多力盤旋空中

無細不覩

本草綱目

中部縣鵟窠窟去城十里鵟鷂孕卵

其間至今多出鷙鳥

延安府志

皂色而大羽翎可箭

山陽縣志

鵟

華州華陰郡土貢鵟

唐書地理志

同州舊貢鵟華州採

鵟于金氏陂

寰宇記按陂在今渭南縣

有鵟穴於長安薦福浮

圖冬之夕取鳥之盈握者完而致之以燠其爪掌旦

則執而上浮圖之跂焉者縱之其去苟東矣則是日

不東逐

柳宗元鵲記

小於鵲而最猛捷

本草綱目

鵲善擊鵲

咸寧

縣志

鵲飛戾天

詩經大雅

鵲鵲之類鳥之貪惡者也

鄭箋

明皇

數登勤政樓每來鵲必集樓上號隨駕老鵲

因話錄

一

名隼一名鵲一名鵲鵲生三子一為鵲鵲似鷹而稍

小其尾如舵善高翔專捉雞雀然不擊胎殺中有仁

本草

綱目俗名餓老鵲

延綏鎮志

鵲

鵲鵲屬

玉篇

多鵲雞

華州志

鴉

自關而西謂梟為流離

詩經陸疏

鴉即梟也一名鵯

本草

拾遺訓狐關西呼訓猴

天中記

狀如母雞有斑文頭如鵯

鵯目如貓目好食桑椹

本草綱目

訓狐惡語也聲自呼其

名兩目如貓大於鸛鵒

延綏鎮志

鵯土人名鸛猴昌黎作

訓狐其首如貓又呼樹貓

山陽縣志

鷓鴣

說文謂之角鷓爾雅謂之怪鷓大如鷓鷹黃黑

斑色頭目如貓有毛角兩耳晝伏夜出鳴則雌雄相

喚聲如老人初若呼後若笑

本草綱目

俗名鷓怪非茅鷓

也爾雅荏老鷦木兔也兔頭有角即此

延綏鎮志

鵯鷦

鷦鷯鷦鷯

詩經
幽風

鷦鷯鷦鷯惡鳥攫鳥子而食者

也

朱子
集傳

大如鷦鷯毛色如鷽頭目亦如猫鳴則後竅

應之其聲連轉如云休留休留故名

本草
綱目

鬼車鳥

出秦中春夏之交遇陰晦則飛鳴而過聲如

刀車鳴愛入人家鑠人魂氣血滴之家必有凶咎

劉
恂

嶺表

錄

鵯鳥

狀似孔雀五色雜斑黑頸赤喙

別錄
陶註

出商州以

南其肉腥有毒

唐本草

肥遺 英山有鳥焉其狀如鷄黃身而赤喙其名曰肥

遺食之已癘可以殺蟲

西山經

橐𪔐

音肥

榆次之山有鳥焉其狀如梟人面而一足曰

橐𪔐冬見夏蟄服之不畏雷

西山經

當扈 上申之山鳥多當扈其狀如雉以其髯飛食之

不眴目

西山經

淨池鳥 大太白池傍有淨池鳥如畫眉而小毛色花

紋可愛其聲嘹唳亦不避人人亦莫敢捕之池有片

葉寸莢鳥必銜去故名

賈鉉太白
山禱雨記

鵝

僖宗好鬪鵝數幸六王宅興慶池與諸王鬪鵝

天中

記長脰善鳴戕首似傲故曰鵞

說文

同官無鵞以二羊

易一鵞

耀州志

鴨

庶人執鵞

周禮
春官

家鴨曰鵞

曲禮
乳疏

郭璞曰鵞鴨屬也

上林
賦註

雞

工商執雞

周禮
春官

雞人掌共雞牲辨其物大祭祀夜

嘑旦以跼百官

周禮
雞人

雞雛關西曰鶩

方言
郭註

鼯鼠

張揖曰蝮鼠也其狀如兔而鼠首以其髯飛郭

璞曰蝮鼯鼠也飛且生一名飛生

上林
賦註

鼯狀如小狐

肉翅飛且乳

西京
賦註

司馬君實侍其父知鳳翔府竹園

中得如蝙蝠巨如大鷗莫有識者有自南山來者云

此鼯鼠也一名飛生飛而生子每欲飛則緣樹至顛

能下不能高也

江隣幾
雜志

關西山中皆有毛極密俱向

下飛不能至遠人捕取皮為煖帽

本草
衍義

其物飛而生

子難產者以皮覆之則易故名催生

馬褒城縣志乾

龍洞達華山洞約行三十里其中飛鼠如鳩

漢中府志

獸屬

麟

麟之趾

詩經周南

麇身牛尾馬足黃色圓蹄一角角端

有肉音中鐘呂行中規矩行必擇地詳而後處不履

生蟲不踐生草不羣居不侶行不入陷阱不罹羅網

王者至仁則出

陸疏

其獸則麒麟

上林賦

武帝幸雍祀五

時獲白麟一角而五蹄

漢書終軍傳

騶虞

吁嗟乎騶虞

詩經台南

義獸也白虎黑文不食生物

有至信之德則應之

毛傳

建章宮後閭重櫺中

索隱重櫺欄楯

之下有重欄處也

有物焉其狀似麋詔東方朔視之朔曰所

謂騶牙者也其齒前後若一齊等無牙故謂之騶牙

褚先生滑稽傳

史之說有得獸而莫知其名者東方朔識之

曰此所謂騶牙者也則漢武時嘗有獸號騶牙者矣

古者音聲之假借以牙為吾故朔所謂騶牙則詩所

謂騶虞者爾

陸疏廣要

屈商拘文王于羑里散宜生乃以

千金求天下之珍怪得騶虞以獻

淮南子

白虎黑文西

方之獸也

埤雅

虎

有貓有虎

詩經大雅

孟山獸多白虎

西山經

自關而西謂

之伯都

方言

俗曰伯都事見虎說

郭註

漢中有虎生角道

家云虎千歲則牙蛻而角生

述異記

按說文委虎虎之有角者又爾雅云

似虎而有角曰虎

虎出南北山埤雅云虎知衝破又能畫地

卜食此亦獸之靈者也

馬志

豹

赤豹黃羆

詩經大雅

毛赤而文黑謂之赤豹毛白而文

黑謂之白豹

疏

南山多猛豹

經

豹似熊而小毛淺

有光澤能食蛇食銅鐵

郭註

陶谷子妻曰南山有玄豹

霧雨七日不下食者何也欲以澤其衣毛成其文章

也

列女傳

穆王獵漆澤得玄豹

潛確類書

沈氏筆談云秦人

謂豹為程至今延州猶然

本草綱目

文豹初生無文稍長

隱南山霧雨中七日則文彩蔚然玄豹毛澤而色黑

美于文豹遠甚出終南山中

馬志

貌

獻其貌皮

詩經大雅

似虎或曰似熊一名執夷一名白

狐其子為穀

陸疏

關西謂之狸

方言

郭璞曰貌執夷虎屬

上林賦註

熊

有熊有羆

詩經大雅

嶓冢之山多熊

西山經

張揖曰熊犬

身人足黑色

上林賦註

生雍州山谷

名醫別錄

洋州貢

寰宇記

今

雍洛山中有之形類大豕而性輕捷好攀援高木見

人自投于地冬蟄春乃出

本草行義

羆

嶓冢之山多羆

西山經

似熊而長頭高脚猛憨多力

能拔樹木關西呼曰玃熊

爾雅

羆有黃羆有赤羆大如

熊其脂如熊白而麤理不如熊白美也

詩經孔疏

洋州貢

寰宇

記

兕

殪此大兕

詩經小雅

兕野牛也

朱子集傳

嶓冢之山獸多犀

兕

西山經

葱蘢

符禺之水北流注渭其獸多葱蘢其狀如羊而

赤鬣

西山經

案駢雅曰羊之異者一角謂之羴羴赤鬣

謂之葱蘢

吳任臣注

黃腰

穀似麴而大腰以後黃一名黃腰食獼猴

上林賦註

似黃鼠而大

醴泉志

野豬 陝洛間甚多形如家豬但腹小脚長毛色褐作

羣行

本草行義

野豬惟關西者時或有黃似豬而大牙出

口外如象其肉有至二三百斤者能與虎鬪啖蛇虺

本草

綱目

毫彘 竹山有獸焉其狀如豚而白毛大如筭而黑端

名曰毫彘

西山經

狍豬也夾髀有粗豪長數尺能以脊

上毫射物亦自為牝牡

郭註

發民入南山捕熊羆豪豬

長楊賦 陝洛諸山中並有髦間有毫如箭能射人

國經本草

形如豬毛如筭行動有聲其項脊有鬃長六七寸能

以之射人俗呼鸞豬

商州志

渾身二寸長錐尖利尾長

寸許鬃長五寸若筭能低頭拱項以射人中衣而止

見虎則體縮而毛立行則如甲響

山陽縣志

毘駼 如馬跂蹄善登高

西京賦註

獼猴 毋教猱升木

詩經小雅

猱獼猴也

陸疏

出南山性好動

無休時善避箭善射者莫能中牧圉畜之則馬無疾

病

馬志

出終南諸山唐昭宗時養一猴衣以俳優服謂

之猴部頭朱溫既篡引至坐側仍賜衣為俳優忽號

擲自裂其衣溫叱令殺之

馬志

猿

猴長臂者為猿

詩經陸疏

玄猿素雌

上林賦

玄猿猿之雄

者黑色也素雌猿之雌者素色也

索隱

郭璞曰似獼猴

而大長臂便捷色黑

西都賦註

商山隱士高太素嘗居清

心亭每至一時即有猿一枚詣亭前鞠躬而啼不易

其候太素因目之為報時猿

開元天寶遺事

出南山形如猴

面白性靜而仁非若猴之躁而惡也

馬志

鳳縣出黑猴

舊志

獬狁 猿之白腰者為獬狁

詩經陸疏

張揖曰似獼猴頭上

有髦腰以後黑

上林賦註

獬狁猿類而白

西京賦註

黑身白腰

如帶手有長毛白色似握版之狀

本草綱目

狢 張揖曰雖似母猴叩鼻而長尾

上林賦註

倉頡篇曰狢

似狸

西都賦註

狢雖也尾長四五尺

長楊賦註

果然一名雖一

名狢狀如猿白面黑頰多髯而毛采斑斕尾長于身

喜羣行老者前少者後食相讓居相愛生相聚死相赴柳子所謂仁讓孝慈者是也古者畫雉為宗彞亦

取其孝讓有智也

本草綱目

獾

張揖曰獾似獼猴而大

上林賦註

郭璞爾雅注曰獾豹

形如虎而圓文

長楊賦註

色蒼黑能人行善攫持人物又

善顧盼故謂之獾

本草綱目

鼯

踰次之山有獸焉其狀如禺而長臂善投其名曰

鼯

西山經

亦在畏獸畫中似獼猴投擲也

郭註

鹿 野有死鹿

詩經
名南

町疃鹿場

風

麀鹿麀麀漆沮之從

小上申之山獸多白鹿

經

南山多鹿

抱朴子

唐京師

安國寺釋元康貞觀中遊養一鹿角分八歧乘而致

遠曾無倦色

宋高僧傳

華清宮一鹿十年精俊不衰人呼

曰角仙

陶穀清異錄

京師玄都觀老鹿將有客來輒夜鳴

道士每候之無失

潛確類書

出南北山鹿性警防分背而

食食則相呼羣居則環其角外向以防害

馬志

白鹿最

異間一產于書堂山

維南縣志

麋

似水牛

上林賦註

麋子曰麋

西京賦註

生南山山谷

名醫別錄

順

治五年興平河得一物色青黑頭角如鹿尾如馬之

禿者目下別有二竅深寸餘夜能視物據類從云麋

也

興平志

一名馬鹿尾長故名山人以鹿為麋鹿以麋

鹿為馬鹿馬鹿陰獸也冬至則角解

山陽縣志

麋

野有死麋

詩經名南

麋麋也

草木疏

鹿屬無角

朱子集傳

秋冬

居山春夏居澤似鹿而小黃黑色

本草綱目

毛多麋

華州志

麋

似麋而小黑色常食柏葉又噉蛇

名醫別錄

陝西山中

皆有

國經本草

商汝山中多麝遺糞常在一處不移人以

是獲之

楊億談苑

出商州鳳縣鄜州

國書編

麝居山麝居澤

以此為別

本草綱目

出終南諸山今商汝山中多羣麝不

敢遺跡他所慮為人獲人以是掩羣而取之

馬志

出商

南山形如小鹿

馬志

麋

似鹿而大

上林賦註

鹿之大者曰麋羣鹿隨之皆視麋

尾所轉為準

名苑

出終南諸山其尾辟麋以置蓐帛中

能令歲久紅色不黧又以拂羶不蠹

馬志

羣鹿視麋尾

為嚮道故古之談者揮焉

馮志

麕 山林處皆有而漢間尤多乃獐類也其皮作履為

勝於諸皮

圖經本草

虎食則醉醉所在麕必鳴以告

馬志

皮

可為靴

盤厓縣志

毛多麕

華州志

狸 取彼狐狸

詩經幽風

洋州貢

寰宇記

一名野猫大小如狐

毛雜黃黑

本草綱目咸寧延綏商華州諸志俱有之

按延安漢中郡志及

狐 錦衣狐裘

詩經秦風

有芄者狐

小雅 狐者妖媚之獸

朱子集傳

穆王獵漆澤得白狐

潛確類書

洋州貢

寰宇記

狐皮毛惡薄

不堪為裘

咸陽縣志

貉

一之日于貉

詩經幽風

貉形如小狐毛黃褐色

本草衍義

其

毛深厚溫滑可為裘服性好睡

本草綱目

獾

獾闕西謂之獾

方言

獾猪獾也獾狗獾也二種相似

而畧殊

本草綱目

獾出清澗

馬志

出終南山

渭南縣志

狨

生山南山谷中

本草綱目

楊文公曰狨類鼠而大尾長

而金色生陝深山中人以藥矢射殺之取其尾為卧褥鞍被坐羶之用狨甚愛其尾既中毒而齧斷其尾

以擲之惡其為身患

陳眉公
碑寒錄

出隴州

明一
統志

似猴而大

毛長黃赤色人取其皮作鞍褥

馬志

狼

狼跋其胡

狼橐其尾

詩經
豳風

孟山獸多白狼

西山經

豺

爾雅曰豺狗足

西都賦註

處處山中有之狼屬也俗名

豺狗其形似狗而頗白前矮後高長尾

本草綱目

毛多豺

華州志

獨角獸

寶雞縣有獨角獸樵者見其卧林間或搏虎

而食之食輒餘其半山家每得殘虎以飽

陳貞父
雜錄

獺 郭璞三蒼解詁曰獺似狐青色居水中食魚

羽獵賦註

獺大者曰獺

王氏字說

狀如青狐毛色黑膚如伏翼長尾

四足水居食魚

本草綱目按延安漢中山陽縣志俱有之

牝牛 小華之山其獸多牝牛又西英山禹水出焉其

獸多牝牛

西山經

今華陰山中多山牛肉千斤即此牛

也

郭註

鎮北大都護府貢犛牛尾

唐書地理志按犛牛即牝牛

牝牛

西人呼為竹牛因角理如竹也或云竹即牝音之轉

本草

綱目

牛 誰謂爾無牛

爾牛來思其耳濕濕

詩經小雅

維羊維

牛

周頌

沈牛水牛也能沈沒水中南越志曰潛牛一名

沉牛

上林賦註

五原郡貢犂牛

唐書地理志

牛白頭黃身者為

牛中之王農家畜此主大富純黃者尤為上乘

咸陽縣志

馬

有馬白顛

駟驥孔阜

駕我騏驎

騏驎是中

騏驎是騏

詩經秦風

白顛額有白毛今謂之的顛駟驥四

馬皆黑色如鐵也馬左足白曰𩇑赤馬黑鬣曰駟黃

馬黑喙曰騊駼黑色也

朱子集傳

趙高曰何必華山之騊

耳而後行遠乎

史記樂書

秦馬之良探前踈後蹄間三尋

騰者不可勝數

張儀傳

隴州夏州產馬

寰宇記

武都出名

馬

漢中府志

駝

韋昭曰背上有肉似橐故名橐駝

上林賦註

夏州產駝

寰宇記

駝生河西狀如馬其頭似羊長項垂耳脚有三

節背有兩肉峰如鞍形有蒼褐黃紫數色力能負重

本草綱目

神木府谷出

葭州志

羸

馱馱羸羸

上林賦

驢

太武將北征發民驢以運糧使軌部詣雍州軌令

驢主皆加絹一疋

後魏書公孫表傳

張公超隱華陰山常乘

驢車

唐類函

陝西民家有千里驢腰有腎六

香祖筆記

羴羊

華山之首曰錢來之山有獸焉其狀如羊而馬

尾名曰羴羊其脂可以已腊又西英山禺水出焉其

獸多羴羊

西山經

羊六尺曰羴

爾雅

今華陰山中多山羊

郭註

山羊一名野羊一名羴羊能陟峻阪狀如驢而羣

行其角甚大

本草綱目

羊有山羊

商州志

麋羊

張揖曰羝羊麋羊也似羊而青

上林賦註

南山商洛

間大有今出梁州

唐本草

今秦隴金商州山中皆有其

形似羊青色而大

圖經本草

雒南縣羚羊山多羚羊

西安府志

鳳縣出

舊縣志

野有羚羊

洵陽縣志

羊

羝羊之皮

詩經召南

曰殺羝羊

幽風

小曰羝大曰羊

毛傳

式牧羊上林中

史記平準書

殺羝羊出陝西又同華之間

有小羊供饌在諸羊之上

唐本草

隴州產羊

保安軍

產羊

夏州產羊

馮翊朝邑許原下有苦泉羊飲

之肥而肉美今於泉側置羊牧諺曰苦泉羊洛水漿

寰宇記

生秦晉者為夏羊頭小身大毛長土人剪其毛

以為氈物

本草綱目

合璧事類云陝西羊最佳

馬志

朝邑苦

泉羊亦肥美

同州志

鹽耳羊

同州沙苑出耳小味美

圖書編

鹽耳羊出同州

或他處羊畜於此大耳羊亦生小耳羊蓋其地脉所

產然耳

馮志

鹽耳羊耳如繭尾如扇角如栗肋如筋肉

味不羶皆出沙苑中他即有弗良也

同州志

黃羊 關右塞上有黃羊無角色類麋人取其皮以為

衾褥

雞肋編

黃羊無角善走杜甫云黃羊飫不羶有二

種類山羊者瘦類綿羊者肥以尾上有毛者辨之

延綏

鎮志

羝羊

羝羊出郿縣有峰類駝

明一統志

背有肉峰出郿縣

南山

馮志

承 壹發五祀

壹發五縱

詩經名南

言私其縱獻豝于公

豳風

豝北曰豝

毛傳

縱一歲豝豝三歲豝

朱子集傳

豝關西或

謂之羴或謂之豕

方言梁州曰獬何承天纂文

豬天下畜之

而各有不同生梁雍者足短

本草綱目

犬無使尫也吠

詩經名南

載獫狫驕

秦風

尫狗也

毛傳

獫狫驕

田犬名長喙曰獫短喙曰歇驕

毛傳

茂陵少年李亨好

馳駿狗逐狡獸為之佳名狗則有修毫釐睫白望青

曹之號楊萬年有獵狗名青駁買之百金

西京雜記

有

田犬守犬二種

山陽縣志

貓毛則多貓

華州志

兔

肅肅兔置

詩經周南

有兔斯首炮之燔之

小雅

斯白也今

俗語斯白之斯作鮮

鄭箋

兔可供祀典

咸寧縣志

多食損陽

咸陽

縣志

鼬 地猴一名艾猴一名黃鼠狼形極小人馴養之縱

入黃鼠穴則銜黃鼠喙曳而出之味極肥美

延綏鎮志

鼬

俗呼鼠狼以食鼠名

山陽縣志

碩鼠 形大如鼠頭似兔尾有毛青黃色好在田中食

粟豆關西呼為鼬鼠

爾雅郭註

鼬鼠一名鼬鼠一名雀鼠

關西方音轉鼪為鼪訛鼪為雀

本草綱目

兔鼠頭耳如兔

足前短後長亦食禾稼疑即埤雅所謂鼪鼠兔首似

鼠而大者

延綏鎮志

山鼠有害苗者

商州志

黃鼠

出延綏諸地

本草綱目

生延川清澗神木

圖書編

孟熙

曰北方黃鼠穴處中作小土窖若牀榻之狀則牝牡所居也秋時蓄黍菽及草木之實以禦冬各為小窖別而貯之天氣晴和時出坐穴口見人則拱前腋如揖狀即竄入穴韓孟聯句所謂禮鼠拱而立者是也

延綏鎮志

黃鼠肥於他處

乾州志

竹鼯

商嶺多脩篁蒼翠連山谷有鼠生其中薦食無

厭足

王禹偁小畜集

竹園中穴地而居惟食竹根門牙尖利

肉最肥美

山陽縣志

鼠

誰謂鼠無牙

詩經召南

穹窒熏鼠

蟲風

張湯杜人也其父

為長安丞出湯為兒守舍還而鼠盜肉其父怒笞湯

湯掘窟得盜鼠及餘肉勅鼠掠治

史記張湯傳

唐鼠

唐公房城固人白日昇天雞鳴天上犬吠雲中

惟以鼠惡留之鼠乃感激以月晦日吐腸胃更生故

時人謂之唐鼠

水經注

松鼠 西鄉有之

西鄉志

會鼠 即鼯鼯也一名土鼠無目黑色穿土而行天將

雨則鳴行必成羣銜尾魚貫而進以目瞽懼顛蹶也

延綏鎮志

按

葭州志亦有之

吉靈鼠 蒼質白文斑駁可愛走甚駛取皮以佩小兒

云能辟不祥今鄉音轉吉靈為格利矣

延綏鎮志

鼯鼠 爾雅云鼯身似鼠而馬蹄長鬚秦人謂之小驢

者即此物也

本草綱目

刺猬 一名毛刺一名蝟鼠頭嘴似鼠刺毛似豪猪蹠

縮則形如芡房及栗房

本草綱目

醴泉有之

醴泉縣志

鱗屬

龍 河津一名龍門巨靈跡猶存水懸下注旁有山水

陸不通江海大魚集門下數千上者為龍不上者魚

三秦記 龍門之下每歲季春有黃鯉自海及諸川爭來

赴之一歲中登龍門者不過七十二初登龍門即有

風雨隨之天火自後燒其尾即化為龍

林登博物志

鱣鮪

三月則上渡龍門得渡為龍

水經註

房琯嘗修學終南

山谷中忽聞聲若戛銅器之屬問父老云此龍吟也

靈怪錄

太白池無諸水族惟龍一種時大時小變化出

入其中玉皇池東面為龍門有龍可見首類牛而大

脣長尺餘兩角嶄然身金黑色其小者或長尺許二

尺許蜿蜒池中腥氣撲人觸之頭目岑岑

賈鉉太白山禱雨記

蛟 漢昭帝常遊渭水使羣臣漁釣為樂時有大夫任

緒釣得白蛟長三丈若大蛇無鱗甲頭有一角長二

尺牙出脣外帝命太官為鮓骨青肉紫味甚美帝後

思之使醫者復覓終不可得也

拾遺記

蛇 諸次之山

在榆林

多衆蛇

西山經

蛇有數種大毒

咸陽縣志

反鼻蛇

灋谷口多反鼻蛇

元和志

肥蠃 太華之山有蛇焉名曰肥蠃六足四翼見則天

下大旱

西山經

青積蛇 灤谷口多青積蛇一名焦尾蛇常登竹木上

能十數步積人中此蛇者即須斷肌去毒

元和志

蝮蛇

山南漢沔間多有之

唐本草

蝮蛇害人最毒

山陽縣志

千歲蝮

狀如蝮而短有四脚

圖經本草

字林云聶聽形如

蜥蜴出魏興居樹上見人則跳來嚙之嚙已還樹垂

頭聽聞哭聲乃去即此也其狀頭尾一般大如搗衣

杵俗名合木蛇長一二尺

本草綱目

花蛇

淨避寨內多毒蛇名曰花蛇

白河縣志

蟒蛇

南山有蟒噓氣成雲人入其中輒僵

陳貞父雜錄

鯉

魚鼈鱸鯉

詩經小雅

出三川門

咸寧縣志

赤色陳藏器曰從

脊當中數至尾無大小皆三十六鱗亦成數也

咸陽縣志

美惟黑河之鯉

盤屋縣志

出神木吳堡沿河地方并府谷

縣取之黃河味甚佳

延安府志

邠之漢池多鯉

同州志

魚惟

黃河紅尾鯉為佳然人不善取發河時最多

潼關衛志

鱖

孔樂韓土川澤訐訐魴鱖甫甫

詩經大雅

鱖似魴而頭

大謂之鯰

詩經陸疏

素鱖揚馨

西征賦注

鱖似魴

西京賦注

鰮 嚴氏鰮鯉相似而小別鯉頭小鰮頭大

陸疏廣要

郭璞

曰鰮似鯉而黑

工林賦註

鱖

九罏之魚鱖魴

詩經幽風

似鯉而鱗細於鯉赤眼

陸疏今

俗人謂之赤眼鱖

爾雅

鯖

似鮓而背正青色

本草綱目

洵陽有之

洵陽縣志

鮠

形窄腹扁鱗細肉中有細刺

本草綱目

洵陽有之

洵陽縣志

鰭

魚麗于留鰭

詩經小雅

一名黃頰魚似燕頭魚身形

厚而長大頰骨正黃魚之大而有力解飛者

陸疏鰭一

名黃頰

上林賦註

鰮揚也

西京賦註

丙穴魚

南有嘉魚

詩經小雅

嘉魚出于沔南之丙穴

朱子集傳

丙穴在漢中沔陽縣北有魚穴二所常以三月取之

蜀都賦註

嘉魚穴在上津縣東北百五十里

今在山陽境

上已

日有羣魚出穴大者尺許名曰鰮魚

寰宇記

嘉魚鯉質

鰮鰾肥肉甚美食乳泉出於沔縣丙穴今漢中臨江

之山多有之穴口亦不甚大每遇江漲或霖雨時魚

出輒蔽江不可以量計蓋穴中山空有淵在內魚生

子長養其中然終不能隱有時則出于江也

馬志丙穴

嘉魚在寧羌州南百里水涸則藏水漲則出其味美
詩傳云嘉魚出沔南丙穴是也知州裘龍記曰洞當
大丙山之腰絕地者二丈洞有二相隔五十步在左
者曰黃魚巨鱗堅甲聳背圓喙在右曰黑魚細鱗柔
毛尖腮濶眼形不類焉上半歲春分而出夏至而沒
下半歲秋分而至冬至而絕按時而見序不錯焉沔
洞之時黃黑不亂各以羣區族不柰焉土人言是山

綿亘巴蜀達州有之其味鹹與此不一此則屆時而出出則沿洞下瀉或豎木柵或於洞口設筐筥罾罟取之又大安亦有洞曰大魚洞土門鋪之七里壩亦皆有魚不如茲洞之類廣也

漢中府志

大丙山下有穴嘉

魚產焉

寧羌志

按嘉魚產處頗多魚不一類而所謂丙穴者則在寧羌州大丙山下俗傳山丙

向為丙穴者蓋妄也

鯽

出三川間

咸寧縣志

似鯉色黑而體促和尊作羹最良

咸陽縣志

度水在沔縣南二里一濁淪出鮒鯽也

漢中府志 鱗

則有鯽

華州志

鰕

鰕魚鰕尾

詩經周南

廣而薄肥恬而少力細鱗魚之美

者

陸疏

漢中鰕魚甚美禁人捕以槎斷水因謂之槎頭

縮項鰕

者舊傳

鰕一名鰕漢河尤多

本草綱目

詩稱韓有鰕

今不可得

韓城縣志

鰕

一名鰕魚一名石桂魚扁形濶腹大口細鱗有黑

斑彩

本草綱目潼志有沙鰕魚

按臨

鯊

魚麗于留鰕鯊

詩經小雅

魚狹而小張口吹沙故又名

吹沙

朱子集傳

鯊鮪也

西京賦註府谷志有錯沙魚

按今

鰱

鰱白鰱也

詩經周頌毛傳

鰱白色其形長而小

咸陽縣志

白鰱

產黃河水性甚駛網罟不易

葭州志

鯉

魚麗于留魴鯉

詩經小雅

似鯉頰而厚爾雅曰鯉鮒也

陸疏

鯉魚名

西京賦註

首有七星朝夜北斗有自然之禮故

謂之鯉形長體圓頭尾相等細鱗玄色有斑點花文

本草

綱目

鱣

猗與漆沮潛有多魚有鱣有鮪

詩經周頌

鱣身形似龍

銳頭口在頷下背上腹下皆有甲

陸疏

爾雅鱣似鱣

西京

賦註

鮪似鱣而色青黑頭小而尖似鐵兜鍪口亦在頷下

舊說鮪從鞏穴而來北入河西上龍門入漆沮

詩經陸疏

毛萇詩傳曰鮪似鮎

西京賦註

郭璞云大者名王鮪小者

名鰕鮪李奇曰周洛曰鮪

本草綱目

鰕

魚麗于留鰕鯉

詩經小雅

鰕鰕鰕鯉

周頌

鰕鮎也

毛傳

鰕魚

名

西京賦註

鮎魚葭州出

馬志

鮎似鱣而小色黑

咸陽縣志

黃鬚

者益人赤鬚赤目者有毒

洋縣志

鮎魚產黃河

葭州志按郭

璞云鰕額白魚與諸說異

人魚 丹水注于洛其中多人魚

西山經

如鯀魚四脚

郭註

鰕鰼魚也

上林賦註

鰼魚一名人魚一名鰕魚聲如小兒

即鯀魚之能上樹者秦人名鰕

本草綱目

人魚俗名娃魚

商州志

人魚山海經云出洛水豐水亦有之形似鮎有

四足皮青腹白能緣木行陸則發水生剥皮乾之能

治兒啼故名娃魚

山陽縣志

出天橋窄口

府谷縣志

按西鄉志有孩兒

魚即
此類

鮓魚 秦人為其發癩呼為鮓魚頭尾身髻俱似鱖狀
惟鼻短耳口亦在頷下骨不柔脆腹似鮐魚背有肉

髻

本草
網目

花魚 四腮狀似松江之鱸產于秋河昔有今無
平利縣志

鮐魚 銳頭圓身力能逆水而上故名
延綏鎮志

飛魚 陝西鄠縣澇水出飛魚狀如鮐食之已痔疾
明

統志
飛魚出澇河
鄠縣志

乞物魚 夏州產

寰宇記

石花魚 鯉類鱗有金色

葭州志 按今石花魚出府谷黃河中冬暖石上花味極

肥美

丹魚 丹水出京北上洛縣出丹魚先夏至十夜浮水

側必有赤光上照若火割其血塗足涉水如履平地

抱朴子

金魚 有三尾金色可為盆池之玩

咸寧縣志

家園池沼中

多畜之

延安府志

鱗多五色金魚

華州志

鰕魚

即青衣魚

韻會

生潭水中

安塞縣志

漢陂魚

霜筠細破為雙掩中有長魚如卧劍紫荇穿

腮氣慘悽紅鱗照坐光磨閃

蘇東坡漢陂魚詩

漢陂魚甚美

唐寶曆二年敕漢陂令尚食使收管不得雜人採捕

鄠縣志

鰻

一名白鰻一名蛇魚似鰻而腹大青黃色

本草綱目

美

惟莫底泉之鰻

盤屋縣志

鰻

大鰻謂之鰻

博雅

郭璞曰鰻似鰻

上林賦註

出三川間

咸寧

縣志似鰻鱺而細長咸陽縣志

鰻 長三四寸沉于泥中似鰻而小銳首肉身青黑色

本草綱目出三川間咸寧縣志度水在沔縣南二里有一清澮

出鰻魚鰻小鰻也漢中府志

鼃 秋鼃蝦蟇漢書武帝本紀長安水多鼃魚得以家給人

足東方朔傳鼃似蝦蟆而長脚其色青人亦取食之師古注

漢唐皆都雍東方朔言水多鼃魚是漢都人食鼃也

顏師古言人亦取食之是唐都人食鼃也東臯雜錄一名

田雞一名青雞關中常食之如魚

本草綱目

娑羅泉世傳

張三丰養真於此惡蛙聲至今產蛙不鳴

寶雞縣志按爾雅

龜列魚類

介屬

龜 太液池中多紫龜

西京雜記

秦地山中多老龜極大而

壽

本草行義

龜出洛南河諸水龜舊也外骨內肉腸屬於

首廣肩無雄與蛇為匹龜不咽粟蓋龜善藏久能行氣導引其背微偃韓子謂穹龜今按天地之氣東生

南長西收北藏龜居北方天地閉藏淵默之地天地

至靜之所也天下之動唯靜者能知之故卜以問

馬志

龜與蛇交有毒

咸陽縣志

甲則多龜

華州志

蜥蜴

其綠甲文似玳瑁能鳴甲亦可卜

爾雅郭註

即秦龜

也

唐本草

秦人呼蜥蜴為山龜

食物本草

鼈

魚鼈鮮魚

詩經大雅

鼈人掌取互物以時簪魚鼈

周禮天官

太液池中多綠鼈

西京雜記

關中諸水皆有之鼈以眼聽

穹脊連脇甲蟲也水居陸生養魚經曰魚滿三百六

十則龍為之長而引飛出水內有鼈則魚不復去故

鼈一名神守卵世云鼈伏隨日謂隨日光所轉朝首

東向夕首西向也

馬志

三爪者謂之能食之令人化水

咸陽縣志

甲多鼈

華州志

貝

成是貝錦

詩經小雅

貝水中介蟲也有文彩似錦

朱子集傳

相貝經曰赤電黑雲謂之紫貝

西京賦註

鮮魚

英山禹水出焉北流注於招水其中多鮮魚其

狀如鼈其音如羊

西山經

事物紺珠曰蚌魚如龜魚尾

二足劉鳳雜俎作鮮魚

吳任臣注

蟹 出南北山流泉石下外骨內肉旁行故今俚語謂

之螃蟹言外剛內柔而性又火爆故為蟹也神農本

草以為蟹性敗漆燒之致鼠蟹性走明漆見之而輒

解名之曰蟹似出於此淮南子曰漆見蟹而不乾

馬志

介則有螃蟹

咸寧縣志

出漢陂

鄠縣志

出鄠州宜川

延安府志

宜

川縣白水川水色偏白中有小蟹

宜川縣志

郭索浮清澗

形小無膏不足供持螯之勝也

沔縣志

稍泉產蟹

三水志

按揚雄謂蟹為郭索以其行聲而名之也又按沈括筆談云關中無蟹土人怪其形狀收乾者懸門辟瘴不但人不識鬼亦不識也此特嘲之云爾今關內近水郡縣皆有之但小而無肉爾雅云小者名蜊蜊蓋此類也土人謂之小石蟹

蛤

蛤似蚌而圓

漢書地理志註 按今成寧縣志漢中郡志俱有之

蚌

春獻鼈蜃

周禮天官

蜃蛤蚌也

西京賦註

蜃秦謂之牡厲

說文

圓曰蛤長曰蚌漢沔獨多大者長七寸狀如牡蠣小

者長三四寸狀如石決明其肉可食其殼可為粉

本草

綱目

螺螄

漢河尤多大如指頭而殼厚于田螺惟食泥水

春月人取蒸之其肉自出

本草綱目

螺出漢陂

鄠縣志

介則

多螺

華州志

蝦

出漢陂

鄠縣志

蝦小而無肉

山陽縣志

牙屬

蠶

蠶月條桑

詩經豳風

中春詔后帥外內命婦始蠶于北

郊

周禮天官

民不多育

咸寧縣志

民飼蠶作絲

咸陽縣志

山人多事

蠶

山陽縣志

四境多桑蠶

華州志

石蠶 形似蠶細小有角節生江漢側石穴中青黑色

歧隴間亦有之

唐本草

蜜蜂

蜂子生武都山谷

名醫別錄

蜂三種蜜蜂小而微黃

本草綱目

蜂類多釀蜜者貴

咸寧縣志

蜂釀蜜者民亦養之

咸陽

縣志

鳳縣蜜蜂溝多蜜蜂

漢中府志

白蠟蟲

今人不知女貞但呼為蠟樹者立夏前後取

蠟蟲之種子裹置枝上半月其蟲化延緣枝上造成

白蠟

本草綱目

白蠟蟲商州有之

商州志

蜾

韋昭曰蜾復陶也可食

西京賦註

蜾井中小蟲

集韻

木蠹

生漢中川澤

名醫別錄

綠色如蜩蟬蜚蠊狀如蜜蜂

黃色

唐本草

醫方所用蠹蟲即此

馬志

蜚蠊

此蟲辛臭漢中人食之一名石薑亦名盧蜚一

名負盤

唐本草

金州等處有之多在林樹百十為聚山

人啖之謂之石薑

蜀本草

桑蟲

蝟蝟者蠋烝在桑野

詩經幽風

蠋桑蟲也

毛傳

郭璞云

大蟲如指似蠶

孔疏

螟蛉

螟蛉有子

詩經小雅

螟蛉者犍為文學曰桑上小青

蟲也似步屈其色青而細小或在草萊上

陸疏

蠨蛸

果羸負之

詩經小雅

一名蒲盧似蜂而小腰故許慎

云細腰也取桑蟲負之於木空中或書簡筆筒中七

日而化為其子里語曰咒云象我象我

陸疏

蠨蛸生熊

耳川谷或人屋間

名醫別錄

蠨蛸一名果羸一名蒲盧

本草

綱目

蒲盧喜在竹木壁空中作窠乳子

山陽縣志

土蜂

生武都山谷

名醫別錄

土蜂穴居作房赤黑色

本草拾遺

土蜂在土中

山陽縣志

馬蜂

即細腰者有四五種

山陽縣志

崖蜂

在山巖高峻處作房即石蜜也其蜂黑色似牛

蜜

本草綱目

好于高山石巖下作脾似家蜂脾長丈許蠟

佳蜜不甜土人火攻取之

山陽縣志

有崖蜂釀蜜于崖石

間

華州志

壺盧蜂

革蜂乃山中大黃蜂其房有重重如樓臺者

一名元瓠蜂方言名壺蜂寇宗奭曰元瓠蜂多在高

木之上或屋之下外面圍如三四斗許或一二斗窠

如瓢狀色赤黃大如諸蜂

本草綱目

其窠形如壺白色有

一空作門戶中有格乳蜂長寸許大如指螫人畜死

山陽

縣志

七里遊 獨蜂俗名七里蜂數曰窠大如鵝卵只一蜂

大如小石燕子許人馬被螫立亡也

本草綱目

大蜂長二

寸能追螫人於里許故名

山陽縣志

蟋蟀 十月蟋蟀入我牀下

詩經幽風

似蝗而小正黑有光

澤如漆有角翅

陸疏

一名促織

臨潼縣志

負蟄 趯趯阜螽

詩經召南

阜螽蝗子一名負蟄

陸疏

蟲螽一

名蚱蜢在草上者曰草螽在土中者曰土螽似草螽

而大者曰螽斯似螽斯而細長者曰螻蛄數種皆類

蝗而大小不一

本草綱目

螽 螽斯羽

詩經周南

五月斯螽動股

蟲風

螽斯蚱蜢也

毛傳

而青長角長股青色黑斑其股似玳瑁文五月中以

兩股相搓作聲聞數十步

陸疏

螽斯周南作螽斯七月

作斯螽雖字異文倒其實一也

爾雅
邢疏

莎雞

六月莎雞振羽

詩經
豳風

如蝗而斑色毛翅數重其

翅正赤或謂之天雞六月中飛而振羽索索作聲

陸疏

爾雅云翰天雞樊光云小蟲黑身赤頭一名莎雞李

巡曰一名酸雞郭璞曰樗雞

孔疏

古今註曰莎雞一名

絡緯謂其聲如紡緯也

陸疏
廣要

樗雞出岐州此有二種

以五色具者為雄其青黑質白斑者是雌

唐本
草

一名

紅娘子秋深生子在樗皮上

本草
綱目

螳螂 兩臂如斧當轍不避故得當郎之名俗呼為刀

娘

本草綱目

土人呼為猴子

山陽縣志

蟬

五月鳴蜩

詩經

如蜩如蟬

大雅

鳴蜩蟬也蟬之大

而黑色者有五德文清廉儉信

陸疏

秦晉之間謂之蟬

方言蟬未脫時名轉化相傳言蜉蝣所化秀才韋翹家

在杜曲嘗冬中掘樹根轉化附於朽處怪之村人言

蟬固朽木所化也翹因剖一視之腹中猶實爛木

酉陽

雜俎

蛻螂 一名蛻蛻一名推車客一名夜遊將軍弘景曰

其類三四種

本草綱目 按今各郡縣志俱有之

蜉蝣

秦晉之間謂之蜉蝣

方似天牛而小有甲角出言

糞土中朝生夕死

郭註

葛上亭長

弘景曰此蟲六七月在葛花上黑身赤頭

如亭長之著玄衣赤幘故名也恭曰出雍州

本草綱目

斑蝥 一名斑猫本草經云春食芫花為芫青夏食葛

花為亭長秋食豆花為斑蝥冬入地中為地膽韓保

昇曰斑蝥七八月大豆葉上甲蟲也黃黑斑文鳥腹

尖喙

本草綱目按
臨潼志有之

螻蛄 秦謂之蚘蛄或謂之蜚蛄或謂之蜚蛄西楚與

秦通名也

方此蟲立夏後至夜則鳴聲如蚯蚓月令

螻蛄鳴者是也

本草
義螻蛄即土猴

山陽縣志按螻蛄穴土而居本草

綱目亦名土狗
故有土猴之稱

守宮

秦晉謂之守宮或謂之蠪蟪

方言俗名蝎虎
縣志

蜥蜴

秦晉或謂之蜥易其在澤中者謂之易蜴

方山

南處處有之

蜀本草

石龍子即蜥蜴也俗名蛇屬兒

延長

縣志

蜚蜴俗名蛇鼠頭圓色灰者名沙和尚

延綏鎮志

比守

宮稍大在野間

山陽縣志

蝎

蟻螯梁益之間謂之蜮或謂之蝎或謂之蛭蜮秦

晉之間謂之蠹或謂之天蜚

方言

按爾雅云蠹天蜚謂

蜚蜴耳而方言以為蝎未詳其義也

郭註

今陝郡皆有

之

圖經本草

全蝎葭州出

明一統志

醴泉老軍營有蝎子塚人

不動土無蝎如動土蝎出無數

醴泉縣志

蜻蜓

所在有之六足四翼好飛水際

蜀本草

蜻蜓有二

種

山陽縣志

蝴蝶

大曰蝶小曰蛾蝶美于鬚蛾美于眉故又名蝴

蝶俗謂鬚為胡也其種甚繁皆四翅有粉嗅花以鬚

代鼻其交以鼻交則粉退

本草綱目

蝶有數種

山陽縣志

蠅

營營青蠅

詩經小雅

建始元年六月有青蠅無萬數集

未央宮殿中朝者坐

漢書成帝本紀

自關而西秦晉之間謂

之蠅

方言

螢

熠燿宵行

詩經
幽風

熠燿燐燐螢火也

毛傳

幽風熠燿宵

行宵行乃蟲名熠燿其光也寇宗奭曰在大暑前後

得大火之氣而化故明焰如此

本草
綱目

蚊

處處有之冬蟄夏出晝伏夜飛細身利喙

本草
綱目
按

郡縣志
多有之

蠛蠓

孫炎曰蠛蠓蟲小於蚊

甘泉
賦註

蜘蛛

鼃鼃鼃也自關而西秦晉之間謂之鼃鼃

方言

蠪蛸

蠪蛸在戶

詩經
幽風

蠪蛸長跣也

毛傳

一名長脚此蟲

著人衣當有親客至

孔

蠨蛸小蜘蛛也

朱子集傳

鼠婦

伊威在室

詩經

伊威一名委黍一名鼠婦在壁

根下甕底土中生似白魚者是也

陸疏

濕生蟲多足大

者長三四分其色如蚓背有橫紋蹙起

本草衍義

壁錢

蟲似蜘蛛作白幕如錢貼牆壁間北人呼為壁

蘭

本草拾遺按各郡縣志俱有之

蠅虎 蠅狐也形似蜘蛛而色灰白善捕蠅一名蠅豹

崔豹古今注按今處處有之惟永壽縣載入志

壁魚 衣魚一名蠹魚一名壁魚別錄曰生咸陽平澤

本草
綱目

蠹魚俗名狗蝎子

延長
縣志

土鼈

一名地龜生牆壁下土中濕處

本草
綱目

山陽有之

山陽
縣志

蜈蚣

蜀圖曰生山南川谷及土石間人家屋壁中身

扁而長黑頭赤足

本草
綱目

百足

一名馬蛭一名千足一名刀環蟲

本草
綱目

百足蟲

長寸餘大如菴豆黑色多足生濕處不傷人刀環蟲

大如指長三四寸蒼綠色光明奪目兩邊足似百足

觸之則拳曲如環

山陽縣志按山陽縣志分百足刀環為二蟲據本草綱目寔一蟲

也大小異耳故併之

蚯蚓

此物有毒崇寧末年隴中兵士暑月跣足為蚯

蚓所中遂不救後數日又有人被其毒

本草衍義

蝻蟻

一名木蠹一名蝘蝓食木蟲也

本草綱目

醴泉有之

醴泉縣志

蟻

鶴鳴于垤

詩經豳風

垤蟻塚也

朱子集傳

祭祀共蠱羸蜥以

授醢人

周禮天官

西南梁益之間謂之元蚰

方言韋昭曰蚘

蟻子也可以為醢

西京賦註

秦中多巨黑蟻好鬪俗呼為

馬蟻次有色竊赤者細蟻中有黑者遲鈍力舉等身鐵

有竊黃者最有兼弱之智成式兒戲時常以棘刺標

蠅直其來路此蟻觸之而返或去穴一尺或數寸入

穴中者如索而出疑有聲而相召也其行每六七有

大首者間之整若隊伍至徒蠅時大首者或翼或殿

如備異蟻狀也

酉陽雜俎

顛當 成式書齋前每雨後多顛當窠深如蚓穴網絲
其中土蓋與地平大如榆莢常仰捍其蓋伺蠅虻過
輒翻蓋捕之纔入復閉與地一色並無絲隙可尋也
其形似蜘蛛爾雅謂之王蛛蜴鬼谷謂之跂母秦中
兒童戲曰顛當牢守門 螭螭冠汝無處奔

酉陽
雜俎

碎車蟲 狀如唧聊蒼色好棲高樹上其聲如人吟嘯

終南有之

酉陽
雜俎

天牛蟲 黑甲蟲也長安夏中此蟲或出於籬壁間必

雨成式七度驗之皆應

酉陽雜俎

一角者名獨角仙

本草綱目

蚰蜒 處處有之墻屋爛草中尤多狀如小蜈蚣而身

圓不扁尾後禿而無歧多足大者長寸餘死亦蹠屈

如環一名八耳一名蚰蛄

本草綱目按臨潼蒲城諸志俱有之

蝸牛 即負殼蜎蚰也

日華本草按今各郡縣志俱有之

蝙蝠 自關而西秦隴之間謂之蝙蝠方紅蝙蝠出隴

州皆深紅色惟翼脉淺黑多雙伏紅蕉花間采者若

獲其一則一不復去

北戶錄

一名仙鼠其矢即夜明砂

山陽

縣志

蝦蟇

五月五日取陰乾東行者佳

咸陽縣志

溪潭河湄最

廣夏間鳴聲聒人

安塞縣志

蟾蜍俗呼釘子蝦蟆

延長縣志

其

子多蚪蚪

延長鎮志

水蛭

一名螞蟥一名螞蛭

本草綱目府及西鄉志俱有之

按鳳翔

水馬

一名水黽羣遊水上水涸即飛長寸許四脚

本草

拾遺

延長有之

延長縣志

陝西通志卷四十四